


史載之方






成集書叢

編初

者編主  
五雲王

行發館書印務商



史 載 之 方



3 0649 1671 5

史 堪 撰

本館據十萬卷樓  
叢書本排印初編  
各叢書僅有此本

# 史載之傳

史堪字載之蜀人。晉書治病用藥初不求異。炮炙製度自依本法。審證精切。不過三四服。立瘳。較之眉州人彭師古。年三十時得異疾。不能食。聞葷腥氣輒嘔。惟用一鎗旋煮湯。沃淡飯數匙食之。食已。鼻中必滴血一點。懨懨疲削。醫莫能愈。乃趨郡謁堪。堪曰。君之疾在素問經中。其名曰食掛。凡人肺六葉舒張如蓋。下覆於脾。則子母氣和。飲食甘美。一或有戾。則肺不能舒。脾為之蔽。故不嗜食。素問曰。肺葉焦熱。名曰食掛。蓋食不下。脾瘀而成疾耳。遂製藥服之。三日覺肉香。啖之無所苦。自此嗜食。宿恙頓除。宋稗類鈔蔡元長苦大腸祕。醫不能通。堪診脈已。曰。請求二十錢。元長曰。何為。曰。欲市紫苑耳。末紫苑以進。須臾遂通。元門大驚。問其說。曰。大腸肺之傳送。今之祕。無他。以肺氣濁耳。紫苑清肺氣。此所以通也。北窗類錄著有指南方二卷。凡分三十二門。門各有論。解題

陸氏曰。史堪里貫無考。據書錄解題。知為蜀人而已。蜀有史崧。見蜀中廣記。亦以醫名。其即堪之一家歟。余既刻其書。因撫諸書而為之傳。

003

1124

2:1441

史載之方傳

一

# 史載之方卷上

## 四時正脈

春

春脈弦。其氣來柔軟弱虛而滑。端直以長。名之曰弦。反此者病。其氣來實而強。名爲太過。病在外。其氣來不實而微。此爲不及。病在中。太過則令人善忘忽忽。冒眩巔疾。不及則令人胸痛引背。下兩脅脹滿。

夏

夏脈鈞。其氣來盛去衰。反此者病。其氣來盛去亦盛。此爲太過。病在外。其氣來不盛。去反盛。此爲不及。病在中。太過則令人身熱而膚痛。爲浸濕。不及則令人煩心。上見欬唾。下爲氣泄。

秋

秋脈浮。其氣來輕虛以浮。其氣來急去散。故曰浮。反此者病。帝曰。何如反。其氣來毛而中央堅。而兩旁虛。此謂太過。病在外。其氣來毛而微。此謂不及。病在中。太過則令人逆氣而背痛。慍慍然。不及則令人喘。呼吸少氣而欬。上氣見血。下聞病音。

冬

宋



冬脈營其氣來沉而博故曰營反此者病其氣來如彈石者此謂太過病在外其去如數者此謂不及病在中太過則令人解僂脊脈痛而少氣不欲言其不及則令人心懸如病飢眇中清脊中痛少腹滿小便變

中

脾無善脈止見惡脈蓋脾脈以和緩為主故四時之脈雖不同春脈弦夏脈鈞秋脈毛冬脈營皆要有脾脈若脾脈不見便是五藏真脈見真脈見者死所以脾無善脈者謂其常脈便是吉脈其太過不及皆爲病脈太過則令人四肢不舉其來如水之流者太過也濕勝則然耳不及則令人九竅不通名曰重強其來如鳥之啄者不及也土不用事則然耳濕勝而其脈如流邪乃傷腎土不用事而九竅不利因受木所制木制則脾受水矣九竅不利故多生浮腫脹滿之疾久而成水

真脈

真肝脈至中外急如循刀刃責責然如按琴瑟絃色青白不澤毛折乃死真心脈至堅而博如循薏苡累累然色赤黑不澤毛折乃死真肺脈至大而虛如以毛羽中人膚色白赤不澤毛折乃死真腎脈至博而絕如以指彈石辟辟然色黑黃不澤毛折乃死真脾脈至弱而乍數乍疎色黃青不澤毛折乃死

厥陰所勝生病

運氣所勝

殮泄食減。體重煩冤。腸鳴腹支滿。甚則忽忽善怒。眩冒巔疾。脇痛而吐甚。衝陽絕者不治。

司天所勝

體重肌肉萎。食減口爽。目轉耳鳴。胃脘當心而痛。飲食不下。舌本強。食則嘔。殮泄腹脹。溏泄癢水閉。

在泉所勝

酒淅寒如瘡。善伸數欠。心痛支滿。兩脇裏急。飲食不下。鬲咽不通。食則嘔。腹脹善噫。得候與氣則快然如衰。身體皆重。

少陰所勝生病

運勝

澹少氣欬喘。血溢泄注下。噤燥耳聾。中熱肩背熱。

天勝

喘嘔寒熱。嚏欬衄鼻窒。甚則瘡瘍。脇痛善太息。胸中煩熱。噤乾右肱滿。皮膚痛寒熱。欬喘唾血。欬衄溺色變。瘡瘍。肘腫。肩背臂臑及缺盆痛。

地勝

腹中常鳴。氣上衝胸。喘不能久立。寒熱皮膚痛。齒痛頰腫。惡寒發熱如瘡。少腹中痛。腹大。



太陰所勝生病

運勝

腹痛。清厥。意不樂。體重煩冤。肌肉萎。足萎不收。行善痠。脚下痛。飲發中滿。食減。四支不舉。腹滿。溏泄。腹鳴。反下。甚而大瀉。絕者不治。

天勝

胸中不利。陰萎。氣大衰而不起。不用。當其時。反腰腫痛。動轉不便。心下否滿。少腹痛。時害於食。附腫。骨痛。陰痺。陰痺者。按之不得。腰脊頭項痛。時眩。大便難。陰氣不用。飢不欲食。咳唾則有血。心如懸。

地勝

飲積。心痛。耳聾。渾渾焯焯。噎腫。喉痺。陰病血見。少腹痛腫。不得小便。病衝頭痛。目似脫。項似拔。腰似折。髀不可以回。臃如結。臃如別。

陽明所勝生病

運勝

兩脅下少腹痛。目眇痛。皆瘍。耳無所聞。體重煩冤。胸痛引背。兩脇滿。且痛引少腹。甚則喘逆氣咳。肩背痛。尻陰股膝腠腑足皆病。

天勝

脇痛目赤掉振鼓慄筋痿不能久立小便變寒熱如瘡甚則心痛左肘脇痛寒清于中感而瘧欬腹中鳴注泄鶩溏心脇暴痛不可反側噤乾面塵腰痛丈夫癩疝婦人少腹痛目昧皆瘍瘡瘰

地勝

昏病喜嘔嘔有苦太息心脇痛不能反側甚則噤乾面塵身無膏澤足外反熱

太陽所勝生病

運勝

身熱煩心躁悸陰厥上下中寒譫妄心痛甚則腹大脛腫喘欬寢汗出憎風

天勝

心熱煩噤乾善欬噎喜悲數欠熱氣妄行善忘甚則心痛嘔血血泄魋衄善悲□□時眩仆腹滿手熱肘攣掖腫心澹澹大動胸脇胃腕不安面赤目黃善噫噤乾甚則色焮渴而飲

地勝

少腹控睪引腰脊上衝心痛血見噤痛頰腫

少陽所勝生病

天勝

欬噎魋衄鼻窒瘍寒熱肘腫心痛胃腕痛厥逆鬲不通熱上皮膚痛色變黃赤傳而爲水身面肘腫腹滿

仰息泄注赤白瘡瘍唾血煩心胸中熱甚則魀衄

地勝

注泄赤白少腹痛溺赤甚則血便少陰同候

六氣復而生病

厥陰之復

少腹堅滿裏急暴痛心痛汗發嘔吐飲食不入而復出筋骨掉眩清厥甚則入脾食痺而吐

少陰之復

燠熱內作煩躁魀嚏少腹絞痛火見燔熯噤燥分注時止氣動於左上行於右欬皮膚痛暴瘡心痛鬱冒不知人迺酒淅惡寒振慄譫妄寒已而熱渴而欲飲少氣骨疼膈腸不便外爲浮腫噉噫瘡瘍癰瘰甚則入肺欬而鼻淵

太陰之復

體重中滿食飲不化陰氣上厥胸中不便飲發於中欬喘有聲頭頂痛重而掉瘵尤嘔而密默唾吐清液甚則入腎竅泄無度

少陽之復

驚瘵欬衄心熱煩躁便數憎風厥氣上行面如浮埃目而瞶瘵火氣內發上爲口癢嘔逆血溢血泄發而

爲瘡。惡寒鼓慄。寒極反熱。隘絡焦槁。渴引水漿。色變黃赤。少氣脈萎。化而爲水。傳爲浮腫。甚則入肺。欬而血泄。

### 陽明之復

病生脘脇。氣歸於左。善太息。甚則心痛。否滿。腹脹而泄。嘔苦。欬噦。煩心。病在鬲中。頭痛。甚則入肝。驚駭筋攣。

### 太陽之復

心胃生寒。胸中不利。心痛。痞滿。頭痛。善恐。時眩仆。食減。腰膈反痛。屈伸不便。少腹控掣。引腰脊。上衝心。唾出清水。及爲噦噫。甚則入心。善忘。善悲。

### 論六氣所生之病

五行之爲病一也。而所生之氣不同。如木之所至爲風化。而病之生不獨止於肝。火之所至爲熱化。而病之生不獨止於心。此司天司地統歲紀運之不同。故爲病亦從而各異。又有乘年之虛。過月之空。失時之和。或勝而所勝受刑。或復而制於所勝。且以經言之。天火下臨。則肺氣上從。則白起。金用。而草乃眚。燥氣下臨。則肝氣上從。則蒼起。木用。而土乃眚。以常所勝而論之。則火至而肺病。金至而肝病。今也。天火下臨。則金以從天之氣。而白適用。故病反生於肝。天金下臨。則木從天之氣。而蒼適用。故病反生於脾。類舉而推。則厥陰司天。脾氣上從。而水斯眚。太陽司天。心氣上從。而金斯眚。少陰司天。肺氣上從。而肝斯眚。太陰

司天則腎氣上從而火斯嘗皆可知矣。此天度之尊獨異於他。經言天能制色以其能制勝已而使不爲害。至於司地則氣化之正各隨其證耳。若夫紀運之歲之不同則又視其司天之氣化。如六甲之歲陽土當運有陰凝流衍之布宜與六己之歲不同也。然己巳己亥與六甲之歲同。六庚多肝病而庚寅庚申之歲金不能制肝。六戊多肺病而戊辰戊戌之歲火不能害肺。氣化所至譬如權衡可卽其氣以求其病。惟勝復之候不同難以前期亦隨其氣之多寡以求其證。勝之爲病輕復之爲病重。勝則所不勝者順受其克復如報怨仇焉。此又不可不知也。今以木之受病本於肺金之所制則不過如肺氣有餘凌犯於肝。生眼昏背癢耳無所聞胸痛體重之病耳。若迺木化之盛肝氣妄行大傷於脾則金必相救邪反傷肝能使人體重煩冤胸痛引背兩脅滿宜痛引少腹。故經言上應太白星者謂金之復也。雖然人之氣猶之天地之氣五藏之氣卽五運之氣三陰之氣卽六氣之變。顧一身之氣多寡之如何亦不必因天地之氣化所生己亥之歲人多肝病而有病肺者子午之歲人多心病而有病腎者此一人之身自有天地之氣化調治之法與五運六氣所至之法同。至於病一也而所生之病所受之本所以至病之由不一者或以本藏有餘而成或以本藏不足而成或經絡所過之處同而成經之所載二火所生之病雖輕重不同而其實則一。太陰水土共胞寒濕同化所生之病亦類目會衆筋而病變多端心統五藏而病生奇怪清濁異源各有其機表裏殊狀各有其應今詳舉之以明治病之訣。

大府泄

肝熱刑脾而泄，卽經言殮泄，餘證當腸鳴腹支滿，口膠渴，小府赤，宜涼其肝，輕益其胃，診其脈，六脈輕弦，胃上得肝脈，不至大弦，然六脈雖弦，亦不必有骨力，以泄則氣虛不實故也，宜用荆芥散。

荆芥穗 壹分

防風

芍藥

訶子皮

羌活

甘草 各壹分

白蒺梨 半兩

厚朴 十銖  
去皮

木香 三銖

右爲細末，非時以水壹盞，棗壹个，同煎三錢匕，和滓服。

脾濕而泄，經言腹滿溏泄，餘證腹痛體重，食減甚則足痿，行善契，脚下痛，宜用削朮豆蔻散。

草豆蔻

削朮

訶子皮 各壹兩

大芎

陳橘皮 各半兩

甘草

膏本 各八銖

獨活

藿香 各壹分

右爲細末，空心水壹盞，薑兩片，棗兩個，同煎三錢取八分，和滓服。

腎水之寒，亦生溏泄，以寒濕同化，所生之病一耳，經又言寒迫下焦，傳爲濡泄，陰氣入腎竅，泄無度，洞泄皆屬於水土之所生，其證體重，食減，腹痛，四支不舉，甚則注而赤白，腰膝酸痛，股膝不便，若脾氣之濕，則六脈渾濁如革，濡散而大，如按泥漿，加之腎寒，則又沉伏遲弱，動而無力，宜併治其水，暖其脾腎，暖脾藥，宜以削朮豆蔻散，暖腎藏方，草薺勝金丸。

草薺

訶子 各壹兩

石斛

續斷

芎

附子

巴戟 去心

官桂

藁本 各半兩

蓬莪茂

山茱萸

細辛

當歸

獨活 各壹分

右為末。煉蜜丸如梧桐大。空心米湯下五七十九。

又方。宜服船上硫黃丸。方見痢門。

肺金之勝。亦生腹鳴澆泄。肺主清肅之氣。流入于中。變成寒中。驚澆。又肺主少腹。故生斯病。餘證少腹痛。中清。肱脇痛。其脈六脈毛而微。不浮。毛為肺脈。微則泄而氣弱。初泄則本肺脈一指偏。一二日則變而微。但不浮耳。尺澤沉而小擊。宜溫其肺。四味芍藥散。

吳白朮

芍藥

桔梗

香白芷

右等分為末。非時水壹盞。生薑三片。同煎三錢匕。入棗二个。取八分服。

大府祕

肝心氣實。風血相搏。大府結澁。口苦舌釐。甚則口乾膠。小府赤。頭痛眼昏。六脈洪大而實。宜用柴胡湯。

柴胡

前胡

防風

杏仁 去皮尖

羌活

伏苓

甘草

芍藥 各一分

麥門冬去心一分

乾地黄八銖

半夏二銖

右爲麤散。食後并非時水一盞。葱白一根。同煎三四錢匕。取八分。去滓服。

肺氣上實。其氣上蒸。不能傳送。大府祕熱。其脈浮而疾。尺澤脈短。寸口脈大。宜用柴胡湯。加紫苑、麻黃各一分。良。

寒濕之勝。大府反祕。經言陰氣不用。便堅。以土不用事。脾胃不動。無傳送耳。其陰具水土之證。脈亦如之。宜用大腹皮散。

陳橘皮壹兩

青橘皮

大芎

五味子

芍藥

香白芷

甘草各一分

大腹皮

草豆蔻各半兩

木香

檳榔各四銖

右爲細末。每服三錢匕。非時水一盞。煎八分。和滓服。

元氣虛弱。腎水空虛。胃無津液。大府澁遲。六脈微而虛。宜用菴蓉粥。

肉菴蓉一分。米一掬。先洗菴蓉令淨。切令極細。同米用水兩碗已上。煮作稀粥。既熟。入少許葱。并薄入鹽醬調和。空心投三四盞。

### 小府祕

小府之祕。其狀難識。有淋。有癢。有澁。或疼。不疼。肝心之氣。盛實而熱。小腸氣虛。熱氣流入膀胱。遂成小府。



赤澁之病。其脈數而輕弦。尺澤弦而長。又微緊。或心脈長。皆主此病。宜用此方。

伏苓 半兩

麥門冬 去心

芍藥

前胡

杏仁 去皮尖

桔梗

防風 各一分

荊芥 三銖

甘草 炙

木通 各四銖

右為細末。食後。以水壹盞。葱白一支。同煎三錢匕。和滓服。

又方。宜服此五苓散。

肝經之熱。小府赤痛。六脈弦急而長。又發寒慄。宜用蔓荊湯方。

蔓荊子

羌活

獨活

麻黃

荊芥穗

芍藥

木通

甘草

右等分。前法煎。食後服。

濕氣寒氣之勝。同犯於心。心氣上行。不得小便。小府不快。宜服削朮草豆蔻散。又服此大芎湯。

大芎 壹兩

蓬莪茂 半兩

木香 四錢

伏苓 半兩

甘草

草薺 各壹分

右為細末。空心。水壹盞。入鹽少許。同煎三錢匕。和滓服。

元氣虛弱。腎氣不足。膀胱氣虛。衝任脈虛。丈夫癩疝。婦人癰閉。宜服此方。其脈六脈皆動。細數而輕弦。

腎脈小擊而沉。膀胱澁而短。

五味子 壹兩

血茸

葦薺

牛膝

芎 各半兩

乾熟地黄 壹兩

蓬莪茂

青鹽 各壹分

右青鹽壹味。自爲細末。餘七味爲細末。蒸餅丸如梧桐子大。空心清湯下五七十九。

身熱

寒邪所傷。身能發熱。寒氣外固。陽氣內拒。鼻塞氣菴。聞氣出如火。此當發其寒。六脈浮而輕疾。散滿指下。

麻黃 去根節

削朮 各半兩

藁本

芎

官桂

芍藥

獨活

甘草 已上各壹分

細辛 四銖

右爲菴散。空心。井非時。水一盞。生薑一片。煎三錢。去滓服。

心火獨盛。少陰少陽之勝。身熱。小府赤。大府祕。頭痛。口乾。舌澁。骨疼。六脈洪大而實。有骨力。又數。宜用此方。

伏苓

麥門冬 去心

芍藥

麻黃

前胡

柴胡

甘草

羌活

桔梗各壹分

牡丹皮四銖

右如前法為龍散。

肝氣之熱身亦發熱其狀與心火之勝同以風熱同化木火相助其候同也然肝之發熱所以不同者雖熱而往往自聞其寒多覺背上脊脊洒洒振寒并兩足多冷膠涎甚則嘔逆而吐六脈絃急而長其他與心火勝之亦同然心火之勝脈必洪而肝熱即洪大而絃然亦有上於絃而不洪大者以風氣之獨勝耳宜用此方。

荊芥穗

羌活

獨活

芍藥

防風

麻黃去節

連翹子

秦朮

蔓荊子

乾蘆苳

甘草等分

右為龍散食後水一盞煎三錢取八分去滓和滓任意又看其人氣實肝藏熱多至於生涎則加天南星半夏白薑蠶乾蠟各少許天南星白薑蠶可與衆藥等半夏蠟隨意加減不必多涎結而大府祕則以牽牛和上件藥服以疎為度。

身寒

經言陰盛生寒陽盛生熱元氣虛乏腎水極寒發為寒戰冷汗自出六脈微細而沉寒邪犯心則腎脈必擊而沉心下大動不安甚則仆倒宜先暖其腎後保其心暖腎臟方。

牛膝酒浸一宿

石斛

巴戟去心

草薺鹽水焯

芎各半兩

續斷

伏苓

附子炮

當歸

細辛

五味子

兔絲子各一分酒浸用宿

右為末。煉蜜為丸。如梧子大。空心。米湯下。七十九。

濕氣之勝。汗出憎風。肌體多冷。畏風食減。倦怠無力。六脈渾濁而緩。弱大而散。面目無光。宜服前暖腎丸。并服此方。

白朮

陳橘皮

芎各半兩

細辛

藁本

獨活

甘草炙

藿香

官桂各一分

草豆蔻

人參半兩

乾薑四銖

右為末。煉蜜和丸。如梧子大。空心。米湯下。五十九。

### 頭痛

頭痛之狀。最為難辨。大風入骨而痛。大熱入骨而痛。痰伏於胸中而痛。元氣虛微而痛。心火之勝。頭痛。六脈之應。皆應於心。即用涼心藥。風氣之勝而頭痛。六脈之應。皆屬於肝。即用涼肝藥。氣熱而生涎。亦能令人頭痛。即用前取涎藥。腎水之勝。陵犯於心。經言心氣上行。痛留眉頂間。甚則延及胸。頭痛。腦戶間痛。宜暖其腎。獨寒濕之氣。初作。未至犯心。寒邪所客。多襲於陰。上貫風池熱府。令人頭目不利。腦後兩大筋。逆

急眉目昏眩。此為寒邪未入五臟。六脈皆初傷寒之屬。浮散而數。宜用前發汗藥。

腹痛

人有病腹痛者。其狀多端。經之所言亦多變。濕邪之勝。腹滿而痛。食減體重。四肢不舉。腹鳴腸泄。宜用此方。神和散。

草豆蔻

肉豆蔻

陳橘皮

白朮各半兩

厚朴 去粗皮

丁香

木香

大芎

蓬莖茂 各一分

吳茱萸 三銖

訶梨勒 三銖

芍藥 十銖

右為細末。每服叁錢。空心。水壹盞。棗兩個。同煎八分。和滓服。

寒冷食物所傷。厥入胃。腹中撮痛。即與前寒濕勝痛之脈不同。若寒濕之氣勝而腹痛。六脈皆微細而沉。時時小擊。經訣所謂陽絃頭痛。陰微腹痛是也。至於為冷寒之物所傷。則六脈又緊而微。緊應腹有形。此為物所傷者。脈必有形。而為濕氣所傷者。脈止於微而已。宜用神和散。加大腹皮半兩。主之。覺冷物未化。即加青橘皮少許。每服入半夏少許。主之。清厥入胃。兩脇下痛。及小腹痛。此肺之清肅之氣所成。六脈當急而微絃。肺脈獨大而實。左尺微小急。蓋清肅之氣流入於中。寒聚而小腹有形。經言連小腹而作寒。甚則為婦人癥瘕。丈夫癩疝之類。肺以毛為主。若浮則為熱。沉大為冷。至於寒之所聚。則大者斂而為小急。又甚則緊。緊為痛。應腹有形。亦各從其類也。宜暖行肺氣以散之。

陳橘皮

蓬莪茂

紫苑

芎

京三稜

當歸

延胡索

官桂

桔梗

甘草炙

木香各一分

大腹皮

芍藥各四銖

白朮半兩

右為細末。服時水壹盞。生薑二片。同煎三錢匕。取八分。和滓服。

至於肺氣之勝。已傷於肝。則又能體重煩冤。胸痛引背而痛。宜服前方。又服此暖行肝氣方。人參散。

人參半兩

當歸

桑寄生

白羨藜

蓬莪朮

芎

獨活

京三稜

甘草炙各一分

藜香四銖

五味子半兩

木香四銖

右為細末。每服三錢。服時水一盞。棗二个。同煎八分服。

人有病。胃脘當心而痛。食已而痛。又甚。連腹中而急。六脈絃緊而長。宜用肝藥。人有病。兩脇下非時氣痛。不安。如生積聚。一腹中鼓動。搖悶不安。甚則生氣塊。上衝咽喉。頭目俱進。口舌膠粘。小便赤黃。衝心而痛。夜臥不安。此為肝涎與血相聚。致生此疾。其脈當洪大沉實。而有骨力。以肝脈之熱。生風而痛。則脈絃而長。今反洪大沉實者。此為涎伏之也。宜用荊芥散。

荊芥穗

連翹

羌活

牡丹皮

黃芩

杏仁

當歸

芍藥

山梔子

大黃醋煮

蔓荊子各一分

右每服三錢。食後水一盞。生薑一片。半夏末少許。同煎。取三四沸。和滓服。大府不甚祕。減大黃。若大府祕甚。自作大黃末。每服酌量加減進服。其大黃一味。自修製。臨時末。素問舉痛論云。寒氣客於脈外。則脈寒。脈寒則縮蹇。縮蹇則脈絀。急則外行小路。故卒然而痛。得炆則痛止。其脈正與寒濕之氣。脈同。宜神和散。舉痛論云。寒氣客於經脈之中。與炆氣相薄。則脈滿。脈充大而血氣亂。故痛甚。不可按。其脈散滿。指下充大而至數不多。却不甚有骨力。宜去其寒。而行其血氣。

當歸

大芎

蓬莪茂

伏苓

大腹皮

陳橘皮

青橘皮

延胡索

官桂各一分

木香四銖

芍藥十銖

右為細末。每服三錢。非時水一盞。煎八分服。舉痛論云。寒氣客於腸胃之間。膜原之下。血不得散。小絡急引。故痛。按之則血氣散痛。其脈亦差大。差緩而沉。宜用前藥。青橘皮者。舉痛論云。寒客於夾脊之脈。則按之不能及。故按之無及。夾脊乃脊脈之所行。其脈當尺澤沉而擊。宜行。

其腎經以去其寒。

烏藥 壹分

芎

當歸

京三稜

蓬莪茂

延胡索各一分

木香

鱉甲各四銖

甘草炙三銖

右爲細末空心水一盞煎三錢服。

舉痛論云寒氣客於衝脈衝脈起於關元隨腹直上客寒所犯則脈不通脈因之則氣不通故喘動應手其脈當實大有形不勻輕滑而又緊來疾去遲如有物制之宜通其脈行其氣。

桔梗 半兩

大腹皮

芍藥

木香

當歸

陳橘皮

枇杷葉去毛

半夏

自爲末每服入兩豆許

芫花

好醋於土鍋內煮過乾炒令煙出焦黑已上各壹分

右爲細末每服三錢生薑三片同煎八分服以大腑通疏爲度宜服神和散之餘如此夕喘宜調暖其肺。

舉痛論云寒氣客於背俞之脈則脈澁脈澁則血虛血虛則痛背俞主於心故相引而痛按之則熱至熱氣至則痛遂止脈澁以血虛而不行其脈六脈細數而肝心尤微心脈如帶芫重按卽缺往往身有汗宜足其血以保其心。



人參 壹兩

當歸 半兩

木香

延胡索

烏藥

官桂

甘草

茯苓

防風 各一分

沉香 三銖

陳橘皮 十銖

闕右語

舉痛論云。寒氣客於厥陰之脈者。絡陰器。繫於肝。寒氣客於脈中。則血泣脈急。引脅與小腹痛矣。其脈皆輕。滯弦。肝脈連腎脈。弦長而緊。甚則透過尺澤而弦。宜用此方。

白蒺藜 半兩 炒去尖

蔓荊子 壹分

芍藥

獨活

蓬莪茂

甘草 各一分

麻黃 十銖 去節

右為細末。每服三錢。空心水一盞。棗兩箇。同煎八分服。

舉痛論云。寒氣客於小腸膜原之間。絡血之中。血泣不得注於大經。血氣稽留不得行。故卒然成積。其脈沉大而實。膀胱動而有聲。宜通其小腸。

血葶

大芎

蓬莪茂 各半兩

葶藶

木香

當歸

茯苓 各半兩

青鹽 三銖

右為細末。蜜丸如梧子大。空心清湯下五七十九。

舉痛論云。寒氣客於五臟。厥逆上泄。陰氣竭。陽氣未入。故卒然不知人事。氣復反則生矣。其脈伏而大。極無骨力。三部皆芤。身有冷汗。宜灸氣海。後用暖藥。舉痛論云。寒氣客於腸胃。厥逆上出。故痛而嘔。其脈細而滑。宜用神和散。加茯苓。人參各半兩。

脹滿

人有病。腹脹滿。善噫。兩脇滿。咽鬲不通。此肝勝也。其脈弦而長。宜涼其肝。人有病。腹大。小腹中痛。惡寒發熱如瘧。小腑赤。其脈洪大。此心熱也。宜涼其心。人有病。小腹痛。睡不得小便。頭痛。目似脫。頂似拔。腰似折。此土濕之勝。宜暖其脾。其脈當濁而動。人有病。右肱脹滿。腑腫心痛。肺脹。腹大滿。膨脹而喘咳。此氣為火所勝。其脈兩手寸口洪大。肺上亦洪。骨力小。如心脈。此為心肺相持。宜解其金火之熱。以平其心肺。

黃耆半兩

麥門冬去心

茯苓

紫苑

麻黃去節

防風各壹分

羌活

甘草炙四銖

杏仁十四箇去尖

右為齋散。非時。水一盞。薑一片。棗一箇。同煎三錢。去滓服。

人有病。身腑腫。腹滿。仰息。泄注赤白。欬血。此少陽之勝。與火勝同候。其脈亦然。以前方主之。

喘

世人論凡喘者。皆以為肺。然有服肺藥而不愈者。遂以肺不受藥為難治。何以言之。繆也。又或以肺熱而

喘誤投涼藥。此又近似之言。止可以知肺喘而未足以明五臟之喘。且以經言之。所言諸痿喘嘔。皆屬於上。未嘗以喘屬於肺。至於言五臟之多寡。六氣之勝復。則喘之所生。可指其狀而明。藥之所投。亦可以隨其證而效。

今人有病。胸中煩熱。噤乾。右胛滿。欬喘。唾血。肺癰。腹大膨脹而喘者。此火之刑金。肺傷而喘也。宜用此方。

麥門冬去心半兩

桔梗

麻黃去節

紫苑

杏仁去皮尖

柴胡

前胡

甘草炙

貝母已上各一分去心

羌活三銖

黃耆十銖

右為蠶散。每服三錢。水一盞。生薑三片。煎至七分。去滓。溫服。人有病。左脇痛。寒清于中。欬而喘。此為肺之清氣所成。宜用此藥。六脈毛而微。腎脈伏而小。比之火之盛。刑金則異矣。蓋火盛刑金而喘。則六脈純得火脈。疾大而有力。若寸口偏大而關脈帶芤。即須唾血。人有病。腹大脛腫。喘欬。寢汗出。憎風。胸中滿。食不消化。食減。體重。六脈沉重而濁。渾渾革至。如物制之。此為腎寒大過。宜暖其腎。

續斷

牛膝

細辛

五味子

巴戟

附子

當歸

兔絲子

補骨脂各一分

大芎

草薺各半兩

木香三銖

右煉蜜丸如梧子大。空心鹽米湯五七十九。以神和散並進。

人有病肝臟風壅。積涎所聚。伏隔間。口乾而膠。食即惡心。全惡肉味。心躁不安。夜臥不得。開咽喉隔塞。如物抵築。多喘。診其脈。六脈皆大而沉伏。重手取之。隱隱然骨間。乃得。再再尋。來疾去遲。宜用治涎藥。

荆芥穗

天南星

防風

羌活

白薑蠶

連翹

獨活

麻黃

乾荷葉

乾蠟

天麻炮

半夏

右等分。修治為細末。每服三錢。入半夏末一兩豆許。水一盞。生薑三片。煎七分。和滓。飯後服。有人得此涎候。却緣久病而虛。又誤服熱藥。或元氣本虛。六脈大而無骨力。却浮洪而數。重手按之。則浮指而虛。有表無裏。却不宜用前方。此病難治。當用此方。

人參 半兩

天南星 炮

防風

獨活

麻黃

天麻 炮

琵琶葉 去毛

半夏

羌活 已上各一分

白薑蠶 玄口

薏苡仁 各十銖

右除半夏一味自為末。餘為細末。非時水一盞。薑三片。煎至七分。又宜時時以補藥助其元氣。而徐以此壞涎藥撓之。

人有病久患欬嗽。虛萎氣乏。胸中氣微。不能報息。六脈虛微而數。此之一候。並帶勞疾證。即為難治。若脈

止虛微不浮而數。寸尺調勻。即藥到便安。若浮數而虛。亦勞也。若浮大疾數而虛。輕手取之。全無骨力。重手按之。全不應指。此不治之證。肺萎當用此方。

人參 半兩

五味子

茯苓 各半兩

鱉甲 酥炙

山藥

麥門冬 去心

甘草

枇杷葉 去毛 各一分

黃耆

紫苑 各十銖

半夏

阿膠 炙透 各四銖

右為齋散。生薑三片。每服入半夏一兩豆許。飯前服。或非時服之。又宜服補腎氣藥。以歸其元氣。每服三錢。水一盞。煎至七分。

脚痛

脚氣之病。蓋由有寒濕之勝。故經於太陰之勝。言足脛腫。於太陽之勝。言至引陰股。筋肉拘苛。又言歲土太過。甚則肌肉萎。足痿不收。行善癩。脚下痛。飲發中滿。四支不舉。此寒濕之氣所成也。然天下之病。固有似是而非。本異而標同。用藥過差。則利害相反。若脚氣之病。本於寒濕之勝。而至於肺熱。而病生於足。胃熱而風生於足。與脚氣相似。而寒熱殊狀。試別而明之。熱而足痛者。以肺經之所行也。故經言。歲金太過。則股腓踠。足皆病焉。胃熱而足病者。抑以宗筋不行。而傳為痿厥也。今有人病足痛。得水土寒濕之狀。六脈沉伏而動。上濁下虛。尺澤微而澁。宜暖其下。用此方。

牛膝 半兩

黃耆 半兩

獨活

當歸

石斛 附子 葶藶 五加皮各一分

天麻炮 大芎 續斷各十銖 細辛

木香各三銖 官桂四銖 芍藥壹分

右為末。薏苡粉糞作稀糊。丸如梧子大。空心服五七十九。溫酒或鹽湯下。

肺乘熱而足病。則左手一手脈全微而細。左尺又小。搏擊而沉。右手脈偏有骨力。洪大而肺脈尤甚。再尋。

虛弦而長。用修崔氏紫蘇方服之。蓋世人多以崔氏方治脚氣而得效。不知此方止可治肺熱脚痛耳。

紫蘇子 芍藥 官桂 茵芋

茯苓 大腹皮 桔梗 甘草炙各一分

羌活三銖 麻黃去節一兩 黃耆半兩

右為散。生薑一片。煎三錢。以為飲服。

胃熱而宗筋不潤。則脚弱無力。兩足酸軟。或帶微腫。診其脈。胃脈一指絃而長。又微帶疾。六脈差大。宜用此方。

大腹皮半兩 茵芋八銖 杏仁去尖 茯苓

芍藥 當歸 陳橘皮 甘草炙

薏苡仁各一分 青橘皮四銖 芎十銖

右爲鶩散。非時。薑煎。仍以前暖腎藥。壯元氣藥。相兼而進。若服此藥。大府微利。卽住此。却進補藥兩三日。待定帖。仍進此藥。

脈要精微解

經曰。春日浮。如魚之游在波。夏日在膚。泛泛乎萬物有餘。秋日下膚。蟄蟲將去。冬日在骨。蟄蟲周密。君子居室。故曰。知內者按而紀之。知外者終而始之。此六者。持脈之大法。以經意考之。以四時之脈。分表裏之淺深而決之。以內外之辨。且以春日浮。如魚之游在波。則陽氣之萌。脈雖見而未出於膚。夏日在膚。泛泛乎萬物有餘。則脈已在膚矣。秋日下膚。蟄蟲將去。則秋陰氣之至。脈雖下膚而未至於沉。冬日在骨。蟄蟲周密。則脈已沉矣。以是知內者按而紀之。以明脈之在裏也。如秋日之下膚。冬日之在骨是也。知外者終而始之。以明脈之在表也。如春日之浮。夏日之泛是也。然知內者必曰按而紀之者。蓋脈之在內。非深按之。無以得其實。知外必曰終而始之。則初按而病已見矣。故因其病。以推原其本。啟玄子乃以知內爲知脈。知外爲知色。殊非黃帝所謂持脈之大法也。細舉而明之。心脈搏堅而長。當病舌卷不能言。凡脈之搏。以有所犯。而鬼勝則搏。心脈之搏。以腎邪犯之也。病舌卷而不能言。舌雖應心。而舌本蓋少陰經之所散也。治之之法。不獨涼其心。且暖行其腎。其大而散。當消環自己。若心脈之芤。雖芤而軟。縱失血。亦當溫。加之以胃藥。

紫蘇子

黃耆

芍藥

官桂

獨活

茯苓

大腹皮

甘草炙各一分

天麻炮十銖

杏仁四銖去皮尖

右為釐末。薑煎。不計時候。用水一盞。煎七分。

寸口脈沉而弱。曰寒熱及疝瘕及少腹痛。又曰。脈急者疝瘕少腹痛。病同而脈異。啟玄子遂以為經傳之誤。亦不知變矣。寒疝之為病。有寒清連於小腹而為疝。故止言寸口脈沉而弱。不分左右之脈皆沉故也。右沉則肺冷。而寒清之氣流入於中。左沉則心氣不足。血為寒邪所犯而少腹痛。至脈急曰疝。少腹痛則言六脈之皆急也。蓋經嘗言診得心脈而急為疝。正謂此矣。寸脈弱而疝者。宜溫其中。脈急而疝者。宜緩其中。

寸脈沉而疝者。宜用此方。

當歸

牛膝各半兩

烏藥

木香

京三稜

蓬莪茂

延胡索

茴香

官桂

草薺各一分

芍藥

大芎各十銖

沉香四銖

血茸

細辛各五銖

益智子三銖

右為細末。蜜丸如梧子大。空心清湯六七十丸。脈急而疝。宜用此方。



蔓荊子

麻黃

芎

蓬莪茂

甘草炙

木香

茯苓各一分

芍藥半兩

獨活十銖

右爲細末，每服三錢，生薑三片，水一盞，煎至七分，不計時候服。

明熹脈

春戌、夏丑、秋辰、冬未，四時之喜神，取五行之養氣爲用，皆歷三辰而數。如春以戌爲喜神，卽正月在戌，二月在亥，三月在子，四時放此而推。若於脈中得之，犯他脈，喜有喜慶之事。四時脈皆於胃中見，以五行皆資土，以致用，而周身之脈，亦因胃脈，然後見於氣口。如春脈以弦爲主，須六部脈皆循循，不急不絕，不緊不數，而胃脈微弦而緩，弦爲春，緩爲本。六脈無犯，主一月內喜應。若正月於戌日見，二月於亥日見，三月於子日見，則旬內應。如胃脈帶弦而毛，則主災。夏脈洪爲主，六脈皆隱隱而大，不散不浮，不滑不數，胃脈微洪而緩，洪爲夏，緩爲本。脈無犯，一月內喜應。旬內得脈，皆不出旬。秋脈主毛，胃脈上輕，帶毛而緩，又須有根蒂。此一脈難辨，如四時之脈，蓋若毛而輕，如風如氣，則反爲災，不爲喜脈。惟不浮不輕，緩緩而徐，浮手按之，乍如秋脈，重手取之，則去來如一，壓之不散，舉之不輕，然後爲喜脈。日辰之應，與春夏同法。冬脈最爲易辨，但胃脈沉而不擊，卽是。

傷寒論

病有惡性命於毫髮之端。決死生於頃刻之下。死生之間。係醫者之工拙。醫者之工。則病之痊愈速如轉圜。醫者之拙。則所投之藥過於白刃。此傷寒之病。非獨傷人之急。醫者之難事也。古人有言。一日二日。在於皮膚。四日五日。傳之藏府。故皮膚之間可汗。傳藏府之間可下。世之學者。未嘗不宗之以爲定論。然不知人之有虛實。則病之有輕重。病之有輕重。則傳之有遲速。忽有經兩日三日。而尙在皮膚。忽有初經兩日三日。而傳藏府。善爲醫者。當審察其脈。審其病之所在而已。嘗以治傷寒之病。有四失。一失之愚。蓋傷寒之病。其始在於皮膚。其次傳之藏府。當皮膚之間可汗。於藏府之間可下。苟不辨陰陽。不分內外。當汗而下。當下而汗。誤投藥餌。以傾人性命。此一失之愚也。二失之不精。蓋傷寒之病。傳之藏府。則證候多端。千變萬化。莫能盡究。其毒氣之在肝者。不可疎脾。在心者。不可疎肺。五藏之治。餘皆同此。醫者治之。決以爲病之所傳。在於何藏。方之所投。當以何藥。病之所滅。當以何時。藥之一投。遂可平復。苟不知病之源流。不識病之傳受。誤投藥餌。以希苟合。不幸而少有差誤。人之傾危。可立而待。此貳失不精也。三失之怯。蓋傷寒熱毒。傳在五藏。攻損正氣。其毒氣之盛。如煙如霧。薰炙三焦。致令病危困。不思飲食。醫者反以爲胃氣之虛。不肯通疎。遂見傾損性命。但今患傷寒熱毒之人。飲食不進。大府不通。小便黃赤。病者危困。卽先定其病之所傳。在於何藏。急以疎轉之藥。取其毒氣。其病勢輕減。則飲食增加。而平復如故矣。此三失之怯也。四失之暴。蓋治傷寒之法。旣失之愚。又失之怯。則不精不詳者。不可容易言也。愚因言治傷寒之怯。切慮後之學者。心術未明。見識未到。但務以不怯爲志。妄投轉藥。以傷人性命。此余所以言四失之暴也。

後之學者苟能明此四失亦足以識治傷寒之大略至於陽毒所次陰毒所注其傳在五藏則藏證各殊貫於六府則府證各異其傷人之急者惟二感尤爲極重余今輒以病證脈候陳其一二庶幾世人緣此之傳也

一日巨陽受之巨陽之脈起於目內眥上額交顛上入絡腦下項循膊內夾背抵腰中在手爲小腸在足爲膀胱故頭項腰背強其脈當疾數而浮以散如新沐浴如風而左尺脈微緊而數

二日陽明受之陽明主肉其脈夾鼻絡於目故身熱目疼而鼻乾不得臥其脈又經於腹背上頭項在手爲大腸在足爲胃診其脈當疾數而浮漸漸按之如通於裏以陽明爲宗筋而胃脈受之又漸入於裏六脈雖浮數而胃脈一指微洪而數

三日少陽受之問其脈循脇絡於耳故胸脇痛而耳聾又起於目銳眥上抵頭角下耳後其脈當疾數而利得六七至以上而肝脈又差數此三陽受病皆屬於表故其脈疾數而浮以其未入於藏府故言汗而已

四日太陰受之太陰脈布胃中絡於噤入胃上膈夾咽連舌本而散於舌下其脈當疾數而洪大有骨力胃脈差大

五日少陰受之其脈直行者從腎上肝鬲入肺中循喉嚨夾舌本故口燥舌乾而渴其脈最爲洪大六七至以上心脈隱隱應指來去如一

六日厥陰受之。厥陰之脈自足上循陰器抵少腹。又上貫鬲。故煩滿而囊縮。其脈疾數如長。三陰三陽五藏六府榮衛不行。五藏不通則死。大抵三日以前爲三陽受病。其脈在表宜汗。三日已後三陰受病。其脈在裏宜泄。若初經三日。其脈疾數大。表裏如一。卽不可汗。亦不可下。只以解利藥通其中而已。

一二日脈氣疾數。以溫辛發散藥汗之而愈。藥中亦須有通表解藥。不可純用熱藥。旣汗之後。脈當安和。絛軟不疾不數。如老年衰削人脈。輕手按之。絛絛不絕。重手按之。隱隱不之。卽自然安寧。若旣汗之後。疾數不解。卽難治。加之以結。則困重。或至於死。蓋結脈疾數而懸絕。纍纍如珠。而又不流利。與滑不同。但逐部位通流於指。如滴水起頭是也。然初得病。一日二日內。有增寒壯熱。脈輕而浮。乃謂之傷寒。若纒得病。並無增寒。頭疼欲碎。身熱如火。頭目赫赤。眼睛迸火。大府祕。小府赤。六脈洪大。有骨力。此名熱病。雖初得。亦不汗。蓋治傷寒之法。惟初二日與熱病使藥不同。

三四日已後。與熱病同醫。一日二日。脈氣微小。不疾不數。不浮不散。唯沉軟而細。則汗之之藥。宜極以溫辛。如脾胃濡沉。則是感冷之一候。多變成陰證。陽毒傷寒。面赤頭痛。身熱如火。心神煩躁。頭目昏眩。項背強直。脈候當洪大而有骨力。

傷寒煩躁。飲水不休。若脈實而洪。不是疾數。是爲涎毒。若洪大而不實。是爲心脾受毒。

傷寒後。寒熱已退。腹中餘一塊。疼痛不可忍。忽走在腿面上疼。此爲遺氣在肝。脈氣洪而長。肝脈循循而過左足。宜清其血。

四五日熱毒上衝心胸噎塞滿悶。渾身壯熱頭痛不止。大府不通。胸中痰實。脈氣當寸關脈實而尺澤輕如絕。心脈炎炎而上。

熱毒在肝。善怒筋脈碎痛。神昏不欲見人。兩脇脹滿。手足躁不安臥。右手關脈當偏大緊急而長。熱毒在心。頭疼煩躁。面赤舌強。口語不快。忽心痛善嘔。狂言妄語。忽思狂走入水。精神不守。左手脈一指偏大。若舌強硬急。以妙手針刺其舌兩傍。出惡血不可刺其舌心。熱毒在脾。渾身肌肉碎疼。開食即惡。思吐通身發熱。兩唇乾焦。邊脈動。或環唇青黑色。甚則腰痛腹滿。兩頰痛。右手關上脾脈一指偏大。如衆脈。

熱毒在肺。上衝咽喉。心胸壅實。隔塞不通。渾身大熱。面色或赤而又帶白。喘欬不得大息。右手寸口一指偏大。而加之以浮。

熱毒在腎。腰背疼痛。脊脊強急。頭不痛。若渴數飲。甚則項痛而強。脂寒以酸足下。不欲言。其脈當左手尺澤微而輕浮。又輕緊。

傷寒熱毒攻於肝心兩藏。毒氣煩盛。上衝於肺。血隨氣逆。鼻中衄血。口中吐血。甚則耳中眼中皆有血。診其脈當洪大而炎上。如流水之長。如乍開乍合。乍斂乍散。此爲失血之候。熱毒內傷肝心兩藏。肝心失守。不能主血。毒氣煩盛。上蒸於肺。血隨氣行。流入於肌膚。發爲赤班。通身大熱。頭重疼痛。睡時如己身傍畔。更有一身精神昏亂不守。其脈雖大而鬱結不解。重手取隱隱而有骨力。如重夾綾絹裹之。爲發班之候。傷寒熱病發嗽。坐臥喘急不安。其脈右手寸關脈當洪大。而加之浮數。傷寒熱毒熾盛。薰炙三焦。攻擊皮

膚通身發如橘色。其脈如發班候而差沉。與黃疸同法。

熱病結胸。心前閉塞。胸中有一塊不通。堅硬不散。通身發熱。頭疼不安。面色黯赤。喉中涎溢。大府祕熱。昏悶不省人事。病則伏暑相似。其肺當洪大而有骨力。而肺脈實而不浮。伏暑卽結而沉。

傷寒熱病。五六日。愈加困重。因喫疎藥。下糞如紫黑色。病勢不減。神思昏昏。小腹膨脹。狂言妄語。不省人事。甚則腹中有塊。堅硬不散。其脈結伏。此毒氣攻血。腹內有淤積惡物。十嘗九死。

陰毒傷寒。渾身手足厥冷。面青唇皮無色。四肢無力。心中寒慄。重則閉目。不知人事。脈氣當細微而沉。重手取之。又軟而無骨力。若腎脈細微而搏沉者。爲重。

### 診失血

脈訣謂芤爲失血。芤脈狀如按環子。內面兩頭有。中間曲而缺。非謂絕也。若心脈肝脈帶芤。而肺脈浮以數。又肺脈微弦而緊。則骨蒸咯血。

心脈芤而肺脈軟沉。尺脈沉伏。微微帶緊。腸風下血。

心肺芤而尺脈緊。膀胱滑。小腸瀉血。

肝脈芤而肺脈大浮而促。兩手尺澤皆微。喘而咯血。

肝心肺脈俱盛。洪大而不甚有骨力。乍開乍合。如流水之狀。此金火相傳。當吐血。心脈微而緊。促而朝上。魚際急。按卽來。遲去速。此爲腸風。下血少。多心戰。憚事。無心力。肝脈長而動。下貫尺澤。心脈大而實。三焦

血有餘亦當下血。

肝脈細微而澁。尺澤微。胃脈濡。大府失血。

心脈與肝脈不盡連接。如滴水起頭。鼻衄出血。肺脈浮大而散。心脈大。鼻暴衄。

訣云。緊爲蟲。爲痔。須肝脈亦緊并細。方爲痔。不爾。卽蟲也。

六脈浮大。無骨力。來疾去遲。輕手帶洪。重手取之如濡。此久害瘡癰。血少。六脈浮大。有骨力。肝脈弦而長。

肺脈大而實沉。與胃相際。胃脈輕弦而濡。此三焦血泛。胃虛下血。

六脈如常。心脈動。腎脈搏而沉。又細而數。血泄。或溺血。便血。

婦人胎孕。在手關寸脈滑數。而肺脈虛而毛。尺澤陷。而與關脈不際者。孕也。若肝脈長而溢寸。胎漏失

血。胎下血有二。有肝氣虛微。腎脈絛軟。胎脈陷下。胎動而失血者。當補之。若肝脈有餘而失血。是胎溢。當

涼也。

婦人肝脈洪大。而反結澁。訣云。澁脈生。婦人敗血。若脈洪大。而又伏。則積塊。而血不行。久則陰門腫。以厥

陰脈絡門而過。

診失精

腎脈虛。絛軟而沉。又微以濡。凡尺脈得八裏。脈又搏擊。皆失精。心脈動。多夢交。六脈濡緩而輕浮。又澁。多溺精。

六脈濡腎脈沉而細。膀胱脈動而緩。以大心脈動而浮。主小便白濁。肝心脈弦而腎脈緊而細。重手按之。却來遲去疾。小府當赤而濁。腎脈細沉而微緊。肺脈重而洪大。小便即少腹先痛。此寒伏於胞絡中。赤脈弦而結。陽中有伏陰。胞滿小便不出。小腹逆脹。

六脈如常人。獨脾脈一指疾大而數。唯腎脈差微。主頭疼。口乾。溺精。此為土邪入腎。當清其脾。婦人尺澤帶弱。遲八裏之脈。膀胱脈動。多下白帶。若腎脈搏而沉。陰中濕癢生瘡。丈夫陰濕。此皆精氣之失。

六脈皆澁。又遲緩。丈夫失精。婦人敗血。

心脈肺脈疾而動。腎脈膀胱動而濡。丈夫溺多口乾。若婦人產乳多口乾。即多補其腎。不可以口乾為熱。

### 診癩疝

癩疝之病。尺脈緊而動。按之即虛。

肺脈輕弦而虛。胃脈沉濡而軟。尺脈絛軟。寒厥入胃肺。主少腹。少腹當如有形。腎虛即成癩疝疾。肝脈弦而疾。腎脈絛軟而虛。亦為以厥陰祇陰器絡陰而過。乃為癩疝。

六脈急沉。為疝。為瘕。為少腹痛。蓋疝瘕皆寒搏於中。而急則為痛。腎脈大急沉。為腎之疝。當暖其腎。肝脈大急沉。為肝之疝。當暖其肝。心脈搏而沉。又急而沉。肺脈同診。皆為疝。若小急而不鼓。皆為瘕。

### 診汗脈



脈訣曰。陰微盜汗。勞兼有此。特其一端耳。大抵汗爲血之餘。若陰微。則血不足。則當主少汗。此言微盜汗。當絳軟而澁。右手筋急而沉。心脈搏而動。方主盜汗。小府澁。忽失精。

六脈皆滑。主汗。以其陰氣有餘。故多汗。

心脈大滑而腎脈搏沉。以汗爲心之液。今心脈大滑。則水犯之而動。故汗。

心脈獨大而洪。六脈疾而動。主睡中忽然出汗。以心氣獨主故耳。

六脈濡濕而重濁。脾脈大而濕。主汗出憎風。

### 論膈噎

六脈微而澁。腎脈綿軟而沉。來遲去疾。如代脈相似。心脈沉。主元陽正氣虛弱。陽事不起。小便餘澀。輕冒風雨。忽喫些子冷物。卽胸中噎塞。如有一塊物在喉中。飲食無味。

肝心脈澁而遲。來遲去速。肝脈無骨力。主思慮喜怒。忽憂淤思憶。其狀。心胸滿悶。隔塞不快。飲食難下。兩脇脹滿。忽時氣痛衝心。不可忍。面色青黃。肝心脈澁而沉。重手取之。緩而無力。如新沐舉重。來遲去疾。胸中噎塞。飲食減少。行步無力。大府虛冷。非時間心前。如有一條冷線。上徹咽喉。此爲冷噎。六脈澁而浮汗。肝心脈浮大而無力。胃脈大而散。重手取之。雖無骨力。隱隱而來。唯兩手尺澤差短。其胸前隔塞。飲食減少。大府祕熱。忽時不調。喫鹹卽心躁。喫暖卽喉乾。痰實。頭目昏暈。兩足無力。載身不起。舌上生瘡。唇皮焦裂。或非時口中涎流。衝肺散爲乾嗽。忽時急飢。見食卽吐。食不住腹。此熱膈。

六脈微有骨力而來遲。却差小而微急。主寒熱氣膈。其狀大府熱。忽時却下黃糞汁。胸中鬲塞不快。滯氣積聚。

六脈浮大輕。有骨力。來遲去速。肺脈偏大而浮。加之泛。如促聚於寸口。主熱噎。胸前噎塞不通。飲食不下。所喫湯水。只到喉。仍便吐出。所咽下津液。只到喉中。亦便吐出口膠。非時睡涎溢。大府祕熱。當用通藥。利其大府熱咽。如上所說。用引大府藥。既通其大府。卽脈氣洪大如實。但去疾。與尋常洪大之脈不同。卽輕以解肺順氣。益胃化涎藥餌之。

六脈皆得噎脈。肝脈偏大而澁。肺脈橫格。主因怒而得。大便不通。

六脈皆得噎脈。肝心微小而弦。微有骨力而來遲。因悲憂而得。所喫物。聞巡歷胸間。隱隱而下。蓋風不化。血不盛。當益其肝心。順其氣。

六脈濡伏。重手取之。如動而無骨力。主冷噎。飲食不進。身上厥冷。胸中如有冷物填塞。

六脈濡伏。胃脈偏重濁而重。主胃寒履濕而得噎。四支厥冷。胸前噎塞。飲食不下。

### 診室女婦人諸脈

諸婦人之脈。陰陽與男子相反。當要尺澤隱隱。來去如一。和緩不澁不弦。寸口平。方能孕育。若尺澤弦急。肝脈動。心脈疾。六脈澁而不與勻。無子。

血盛氣衰。爲孕。謂心脈洪大流利。替替而滑。肺脈毛而微。却不浮。爲孕。仍須尺澤與肝脈微間。而肝脈微。

橫卽是孕。

肝脈澁而不絕。尺脈微陷。心脈滑。是孕。

肝脈澁。心脈滑。肺脈襄。一如孕脈。然尺脈急而長。爲敗血。爲積血。非孕。

肺脈急而弦長。右脈浮而短。小腹堅硬如孕。

肺脈急而沉。腎脈濡沉。小腹有形如孕。

肝脈急而沉。腎脈小急緊。陰痒。陰中痛腫。

室女六脈皆弦而長。又洪。尺脈微緊。經候通行。兩足痛腫。行不得。肌肉消瘦。大府乾澁。頭痛。眼昏。室女十

六七。肝脈弦而長。胃脈輕弦。表裏如一。骨槽蒸熱。風行周身。上焦壅。肌肉消瘦。忽通身黃黑。面色帶黑。小

便黃赤。五心煩躁。漸欲成勞。

婦人肺脈盛。肝脈軟而虛。忽微而動。心脈芤。肺氣有餘。相刑尅。肝木受金傷。不能主血。月候多少。遲速不

定。多不節。以致無子。偶然懷之。又無故墜下。當減其肺。益其肝。

關尺微細而沉。腎氣虧乏。不能生肝。經候多少。遲速不定。不能生子。

肝心脈弦緊而疾。肺脈浮而大。尺澤鬱鬱不散。月經不通。大府祕熱。兩足痛。不得行。肌肉消瘦。漸次如馬

籃節。

六脈弦緊而長。心脈洪大而實。尺脈結。月經不通。長淤怒。不得安處。忽忽似顛狂。夜不得睡。小便赤。大府

如常。忽下鴨溇。

肝脈虛弦而長。按之無骨力。心脈動而疾。肝邪傳心。日夜煩躁。忽如顛狂。不得眠睡。六脈大而沉。肝脈橫。肺脈浮。主婦人血熱。經候行少。背上非時有一片發熱。口無津液。忽兩三月一次。忽半年不行。或止些小。黑血。

六脈大而沉。重手取之。隱隱乃得。輕手如無。重取却有骨力。非如尋常沉伏之脈。此因胎藏本熱。忽因產後。未經百日。恣喫涼物。寒熱相伏。經及二三月<sup>年</sup>候不通。全如懷孕。惡血所聚。如有身。露下有塊。但堅硬不動。往往却氣氣痛。只以辛溫藥散。自然行下。不必疎通。

婦人脈如孕。尺脈亦絕。與孕無殊。但六脈動而不勻。胃脈輕帶伏。此因經候行次。或產後起早。并誤喫生冷。傷損氣血俱病。因生積聚。久無所療。變成惡物。其狀腹中成塊。如虵鼠。如鹿如虎之類。以手按之。衝手跳起。但此病到年深。其惡物帶命。喫人血盡。忽絕無經候通行。或經候行時。只如淡水。如此。卽傾危人也。六脈疾大虛急。有大爲風。浮。血溢。急爲尺澤有寒。忽因經候行時。忽因產後。喫生冷。不相當之物。忽產後早起。傷風。血氣俱病。臨經行時。忽先氣疼。忽小腹急疼。心脈芤。肝脈虛。尺澤微細。血海虛損。經候過多。忽成片流下。不可禁止。六脈皆沉。肝脈弱而虛。尺澤細細如縷。又帶澁而遲。肝腎多感寒。伏在子宮。血海虛損。經候過多。小便白濁。如米泔。少陰腎脈貫脊而行。背上忽有片寒冷。口中卽吐清水。

六脈疾大而浮。腎脈急而浮。心脈差洪。血風頭痛。口乾吐痰。

六脈弦大。肝心脈澁而短。尺脈急沉而搏。緣使性多痰怒。傷損肝心正氣。因而積滯。怒而氣逆。涎隨氣上。其狀聞得心前昏悶。潰亂不快。遂有一塊之物。上觸到咽喉。卽手足俱冷。口禁不開。不省人事。

六脈弦大而疾。尺脈亦弦而動。泛泛不絕。經候過多。七八月不止。皆下鮮血。此非虛。不可補。止可涼風血。緣風盛血散。然而不止。卽肝氣脫血。

妊娠之脈。若肺雖微。然浮而聚於寸口。當上氣喘促。

妊娠六脈雖要滑而流利。然肝脈滑而洪大。胃脈亦有骨力。則上喘而口膠。見食多。

妊娠之脈。尺脈不絕。與肝脈相連。而口軟無力。又沉以細。當主少腹疼痛。蓋胎氣熱則在上。冷則墜下。

妊娠之脈。尺脈急沉而搏。胃脈濡而重。六脈又軟。胎氣墜下。陰門腫。

妊娠六脈疾而動。肝脈如長而散。主胎漏失血。不可補之。此血溢也。當安其胎。涼其血。

妊娠尺澤沉伏。肺脈實沉而動。腰痛不可舉。兩手沉重。行步無力。睡腸痛。

妊娠心脈洪大而浮。肺脈浮而散。胃脈浮而大。通身瘙癢。漸次面目渾身俱腫。心躁不安。

妊娠六脈皆結而伏。胃脈沉而動。主忽然如中風。心前昏悶。卽如有一塊物填塞。此緣臟腑本熱而忽感寒。忽嗅生冷。寒熱相伏而不散。以辛溫散之。

妊娠六脈洪大。過關溢寸。主上膈有熱。唇口乾焦。口舌生瘡。非時頭痛不安。小便黃赤。

妊娠血有餘。六脈大而疾。又緊而流利。表裏俱有骨力。主渾身碎痛。并腹內疼不可忍者。宜涼其血。婦人妊娠有發熱如瘧。雖夏常畏風。此肝盛血熱。風行于表。熱極卽生寒。若肝盛胃虛。卽更右一壁寒。以妊則血盛而氣衰故也。診其脈當左長而緊。微帶浮。右關沉而濡。如按泥漿。婦人之脈六脈俱沉細而急。左手尺澤微而緊。指指如縷而轉。連及肝脈。按之卽結而散。此胞精不足。當久患敗血。赤白帶。若動而數。加之以短。卽不久傾危。婦人之脈皆沉而洪大。重手取之。其深至骨。隱隱然應指。有骨力。來疾去遲。至數與常人無異。但胃脈亦洪大。上隔有伏涎。此爲血澁生積。當經候不快。忽不行。腰痺。口乾而渴。背逆。眼睛逆。兩臂重。手缺盈逆。大府秘。心憎。夜不得眠。

### 診黃疸

黃疸有二。有肝熱刑脾而疸。有濕極而疸。若肝脈洪大。胃脈濡弱而濁。肝脈加之浮。腎脈搏而擊。卽發黃疸。若胃脈重濁而弦長。按之無骨力。腎脈搏而沉。心脈有動象。卽濕極而發疸。然疸之病。多先目黃。以衆脈皆會於目系。所以肝熱亦目黃而疸。胃熱亦目黃而疸。肝熱卽口乾引飲。小府赤而澁。胃濕亦目黃而口不乾。小府赤而不澁。又有下部胃寒履濕。濕氣衝心。發爲目黃。不必是疸。素問言太陽之勝。有面赤目黃者是也。只可緩行其小府。濕熱相鬱而疸。卽口脈洪而大。不弦。却帶軟而長。宜利其小府。

### 半產正產論

夫半產、正產、婦人之常事也。然其間多有產後染成大病，忽絕無月水行，忽宮藏虧損不禁，忽積成癥瘕，而歲久月深，傾損性命，此無他，輕之以爲半產，而不甚將養之所致也。不知半產之候，其將養當過如正產十倍，正產止血藏空虛，半產卽肌骨腐爛，常切譬之，正產有如果中之栗，夫栗之爲物，俟其自熟，陰陽氣足，則其殼自開，而栗子自墮，方是之時，子之與殼，兩無所損。如婦人懷孕十月已滿，陰陽氣足，則其子宮自開，而兒子生下。若月未滿足，因誤服藥餌，忽寒邪熱毒所傷，忽扶輕舉重，忽倒地打傷，其胎藏傷損，胞系腐爛，然後其胎墜下，卽有如世人採折新栗，碎其皮殼，就殼中斷其根蒂，然後取得栗子，此其半產之喻也。以其胎藏傷損，胞繫斷去，而後胎墜下，則其半產之人，將養調治，得不過如正產十倍者哉。正產之後，補其虛，生其好血，化其惡血，保其藏氣，去其風邪，人人無有不安也。半產之後，補其虛，生其肌肉，益血窮其所因，解其病，去其風邪，養其藏氣，加之將養，過如正產十倍，損傷之胎，無不平復也。吁！世之人多輕之，至於傾危，不可勝數，得不惜哉。

正產、半產出血過多，不可禁止，忽氣悶不識人，其脈洪大而浮以泛，如新沐，如破肚之脈。若微細而澁絕，其候凶。

胎死腹中，其脈洪大而沉，尺澤當溢透下部，不澁不絕，卽無畏，謂胎不下，當氣滿實，所以洪大而沉，又溢寸過，若澁而短，卽死。

婦人欲產，漿破血下，渾身疼，診其脈，當洪大而有骨力，尺澤透而長，方是正產，謂孕則尺脈不來，欲產而

漿下則尺澤透。若渾身疼甚而漿未破。血不肯下。卽難產。凡渾身痛甚。須是腰痛。連穀道疼。透痛。方是正候。以少陰犯胞絡脈。連腰過脊及肛門。若只是腹痛。不可用作正產候。

產後脈結而澁。尺脈短而動。肺脈浮而急。卽是衣未下。產後血風。虛熱搏之。洪大而數。數與疾不同。數則兼動與短。主血暈。面色深赤。身體如醉。見屋宇如懸倒。忽頭痛重不安。

產後血風。虛熱搏之。洪大而疾。心脈實而有骨力。肺脈洪而浮。主血逆頭痛。面赤如醉。身體如在虛空。大腑祕澁。語聲微細。

產後六脈得洪大。如血暈脈。胃脈實而弦。肺脈浮而洪。主大腑祕熱。頭痛面赤。惡心嘔逆。產後如骨蒸脈。六脈弦而微緊。有骨力。主血行少。未經數日。身下乾淨。腹中餘血。惡血未下。非時氣痛。攻心刺肋。

產後六脈輕浮。微有骨力而來遲。肝脈細而虛弦。多因小遺。登後早。忽亂喫食物。早。宮藏傷風。飲食減可。近以十日。遠經半月。粥食不進。才喫一口湯水。卽聞湯水。巡歷胸中。方下入胃。既入胃。仍下出。面色并肉色黃。形體困重。此候留風邪在中。血熱而感寒。成寒熱隔氣。風不用事。食不化。此病須是喫得酒一兩盞。方可調理。每日宜服酒一兩盞。如治風咽調理。故予特製此方。

細辛

官桂

芎

當歸各半兩

羌活

藿香各一分

木香壹銖

桑寄生□分

吳茱萸

蓬莪茂各三銖

甘草四銖炙



右爲細末。每服三錢。空心煎防風湯調下。喫了。渾身手足暖。忽頭疼。卽連喫酒一兩盞。候通身發熱。忽行下惡物。卽便安樂也。若人得此病。須是依上件題目。方可服此方。

產後六脈皆沉伏而遲。主渾身厥冷。非時口不識人。

產後六脈動而疾。胃脈滑而溢於尺澤。腎脈軟而虛弦。此緣產遲。忽衣遲。旣產後。早起傷風。吐泄不定之脈。宜溫其胃。

產後六脈沉細而伏。此寒氣在下。腰痛。起動不得。

產後六脈沉細。腎脈伏而沉。肺脈虛而大。產後乳汁多。故流出。其乳汁冷而口乾。此腎冷肺虛寒。不可以口乾爲上熱。誤服涼藥。此腎少陰之脈。從肺出。絡心注胸中。其直行者。從腎上貫肝鬲。入肺中。循喉嚨。夾舌本。故如此。

產後六脈洪大而結。肝脈澁。肺脈浮。忽然乳疼。堅硬成塊。將欲成癰腫。

產後未經百日。腹疼氣疼。轉瀉不止。六脈沉細而虛。此餘寒在中。

產後心脈一指偏小而動。又扎陷。若肺脈重而洪大。却無骨力。則主乳多。肺脈如常。惟心脈如此。加之腎脈微細。則小便虛憊。

產後惡血行。少腹中塊刺痛。須六脈大而緊。肺脈緊而虛弦。爲寒肺。主少腹中有塊。產後血熱。肝藏風搏。生涎。發爲疼痛。卽急心痛。六脈當得二陽一陰。二陽實大。一陰者沉也。

產後尺澤虛軟而代。至數不及。白涕不止。血崩下帶。

產後尺澤虛軟而代。至數不及。加之胃脈濡濕而散。卽水土俱寒。多下白涕。產後六脈浮而虛。腎脈微而小。至數遲。來處無力。絲絲若代。中風。肌肉麻痺。肢節牽抽。非時增寒。大府虛冷。

產後六脈浮而數。來疾而去遲。中風。血肢躁。身體疼。精神昏悶。大府祕澀。產後亂喫物早。傷損脾氣。非時腹脇脹滿。飲食不快。診其脈。胃脈遲而肝脈弱。

產後亂喫物早。傷損血氣。身體虛弱。飲食減少。眼如貓兒眼。診其脈。肺脈橫格而肝脈朮傷微弱。腎脈泛泛欲動而無力。此血氣俱病。當調其血。益其氣。暖其胃。使進食。

產後腎脈微而沉。胃脈濡濕而沉。多緣寒氣所損。忽因坐草多時。地之寒氣所損。忽因坐草多時。地之寒氣所衝。腹中成塊。忽衝心背。臍腹疼痛。嘔逆惡心。不思飲食。

產後血氣微弱。六脈沉細。重手取之。細細乃得脈氣。別無陽脈。唯肺脈差浮而弱。主頭冷重。項頸羸。非時間頭面上肌肉麻痺。大腸虛冷。頻出後又多虛往。或時泄瀉。兩足沉重。少精神。行步無力。面黃瘦。或未經百日。經候通行。或誤喫涼藥。有此疾候。忽自懷孕時間。通身寒冷。至產後。却有此疾。但極以補腎補肝藥。補益其血氣。而祛風邪藥助之。

產後心虛中風。心中戰慄。驚動不安。如人將捕。大府傷冷。六脈微而肝心脈偏細沉。又產後只緣腎氣之虛寒。風邪所中。腎脈細而搏。以沉。腎既受病。傳其所勝。心感腎邪。非時驚悸。如人將捕。初以益心氣去風。

邪藥治之。次當補其腎。又次當益其肝。足其血。緣心受腎邪。而又肝氣微弱。不能生其心氣。故以三方藥治之。

產後肝腎虛冷受邪。六脈虛微。腎脈搏沉。心脈輕帶滑。主產後肝虛中風。產後血暈之疾有二。風搏血熱而暈。卽六脈洪大。有骨力。又有一般大府虛冷。却因使性激怒。傷損肝心。其氣上逆。因而血暈。其狀頭覺重痛。昏昏如醉。語聲低小。但多思睡。診其候。六脈輕。有骨力。不至洪大。肺脈輕浮而不毛。心脈促而朝上。此最爲用藥之難。故作此一方。

麻黃去根一分

延胡索

芎

防風各一分

官桂去皮半兩

甘草炙

細辛各二銖

羌活

木香各一銖

右爲細末。每服一錢半。水一盞。煎取九分。非時。去滓服。不要多服。病止卽住藥。若氣體虛微。喫煎藥未效。却加壯熱頭痛。面赤如醉。宜服此方。

牡丹皮

荊芥穗

羌活

麻黃去根

防風各一分

甘草二銖炙

右爲細末。每服二錢。水八分。一盞。煎一兩沸。急瀉出。食後。徐徐去滓。熱服。病已。產後餘惡血未下。因感風邪。與熱血相搏。壯熱頭痛。面赤如醉。人眼濇。痲急昏悶不醒。身如在虛空。見食

卽吐食不住腹脈氣結而不勻逐位間絕然各有骨力而微此用藥亦難宜此方

麻黃去根三錢

麥門冬

黃芩

羌活

大黃

荊芥穗

山梔子

芍藥

射干各半兩

官桂

當歸各一分

甘草炙三銖

右爲細末不要煨只生擣每服二錢濃煎薄荷湯調下若脈氣極有骨力應指而動又當有伏涎當大府祕熱出後不通前藥二錢半取汁用調下牽牛末一錢半夏末一字和滓服大府不熱不用牽牛載之治病用藥初不求異炮炙製度自依本法以銖計者蓋其審證精切不過三四服立瘉踰是而不效乃察病按方之不審便當改轍不可泥也此皆親試而得之非敢夸大其說六銖爲分四分爲兩



# 史載之方卷下

## 診胃脈

訣云阿阿緩若春楊柳。此是脾家居四季。此叔和知之而未詳也。大抵胃脈雖和緩而貴不疾不速。重而取之不虧。浮而取之阿阿而至。不洪不濁。即為五藏脈全。若弦而急。又洪大而有骨力。即受肝熱邪。能生嘔逆。若弦而緊。即受肝冷邪。能生飧泄。訣又曰。脾數即吐。因脾熱。此非脾熱。乃肝熱而侵脾。故作此和神。之方。須使去風邪藥。以和胃藥。此方神效。但於使療處。方覺其驗。

訶子皮 壹兩

削朮好者 二兩

藿香

橐本

陳橘皮

芎

獨活此正風

根子七錄此用行肝氣乃木香中揀圓小氣烈味苦者

細辛

防風

甘草炙各一分

右為末。每服三錢。水一盞。煎取八分。去滓和滓。任意服餌。才服逡巡。却覺胸膈如飢。若是肝熱刑脾而吐。唇焦口膠而赤。渴引飲。小便赤。背脊寒。洒洒如瘧。聞暖藥臭。只要涼水喫。即加

荆芥穗 二錢

羌活 半兩

連翹 壹分

秦膠 三銖

乾薄荷 壹分

已上同為末。每服三錢。更入半夏二片。水一盞。生薑三片。同煎至七分服。若是脾濕冷泄。即加

香白芷 壹分

肉豆蔻

草豆蔻 各半兩

如法修製。大抵用脾藥須要止風邪藥相並。其他加減。乃臨時看風氣多少。卽萬不失壹。脚膝下邊生瘡。乃肺氣不下降使然。宜服降肺氣湯藥。

有病吐半月不已。乃心鬲間有涎。宜用天南星去涎藥去之。

水邪攻心氣。素問云。攻所熱者死。用桂與薑壯心氣勝之。其病狂言身熱。骨節疼痛。面赤。眼如拔。而腦如脫。

小便白濁而口乾。是土氣餘而克腎水。以枳殼散清其脾。則安。痔病用荆芥薰。以釣腸丸服之。方出靈苑者是。

爲醫總論

道之渾淪。莫知其源。道之旣判。變化無窮。莫知其端。推其變化之間。凝而爲質。五行名之。化而爲氣。五運統之。鍾而爲人。五藏應之。自此而後。物之可名。數之可推。理之可窮。而道之迹。乃可得而言之也。大而天地小。而一身。理或皆然。統而論之。要其所養。一歸之無失而已。故雲霧不精。則上應白露不下。則苑稟不榮。乃至賊風數至。暴雨數起。天地四時不能相保。與此天氣不襲。道之相失也。人之起居乖宜。將養失度。一藏有餘。一藏不足。寒溫之不能相交。榮衛之不能相通。風之氣乘隙而入。疾如飛矢。奇病苛疾。應如反掌。此天地之與人。其理未嘗不一矣。古之聖人。和於陰陽。調於四時。春夏養陽。秋冬養陰。與萬物浮沉於生長之門。故生身無奇病。而壽敵天地。無有終時。此無他。養無失而生氣不竭者也。賢人則上

配天以養頭。下象地以養足。中傍人事以養五藏而無失。亦可益壽而有極時。至於庶人不能法天之紀。用地之理。失於所養。天之邪氣感而害五藏。水穀之寒熱感而傷六府。地之濕氣感而害皮肉筋脈。百病無端。從斯而至。病之一生。千變萬化。莫能窮究。故世之善醫者不患治病之難。患識病之難。患使藥之難。何則。受病有淺深。使藥有重輕。度其淺深。分毫之不可差。明其輕重。錙銖之不可偏。淺深輕重之間。醫者之精粗。病者之性命。差之毫釐。失之千里。得失之間。死生性命之所係。醫之道。不得不爲之難也。故善爲醫者。一病之生。必先考其根源。定其傳受。審其刑尅。分其冷熱寒溫。辨其上下內外。有真有邪。有虛有實。忽隔絕痞塞不通。忽空虛微弱失守。可針可灸。可下可汗。闕於不精。勇於必驗。制之有先後。取之有輕重。條理具存。各有其常。而不可差之分毫也。夫病之所起。其來有根源。其次有傳受。其傳有刑尅。此非常之證。勞傷之候也。夫勞之爲病。始於丹元髓海之虛。則真病之所生。莫不先在於腎。水能勝火。故傳之於心。火能勝金。故傳之於肺。金能勝木。故傳之於肝。木能勝土。故傳之於脾。五藏相傳。五氣相滅。五神耗散。榮泣衛除。而精神榮衛治之之法。其根在腎。而未傳於心者。投之以腎邪之藥。而其氣自損也。當於腎之未治。而傳之與心。先治於腎。攻其鬼而伐其根也。次治心。逐其邪。而保全其心氣也。當於心之未治。而傳之與肺。涕唾膠粘。喘嗽不安。先治於心。攻其鬼而斷其相傳之勢。火邪撲滅。肺藥未投。而喘嗽之消滅。十亦去八九矣。次治於肺。解其邪。而保安其金氣也。後治於腎。清其藏。而還其真氣也。當此未治。而至於肺傳之肝。筋骨痿痺。隱伏於床。治之亦徒勞功。如此所爲。考其根源。定其傳受。而審其刑尅也。夫五藏溫病安



從來將養乖宜。病生於變。是則百病之起。雖千變萬化之幾。而要其所歸。不出於寒溫熱冷而已。冷者不可治之以溫。名曰不及。涼而治之以熱。名曰太過。不及者。病之不能滅。而太過者。反有所傷於真氣也。冷者熱之。寒者溫之。輕重得宜。疾徐有制。動無毫釐之失。而所療之病。舉獲萬全。此所爲分其冷熱寒溫者矣。傳曰。狂風入林。枯枝先折。猛雨破壘。隙者先壞。則入邪之所以感傷於人。莫非乘隙而入。此人之所病。不能無內外上下之辨也。肺氣喘嗽。膠痰堅實。伏在胸中。潮涎併起。傾損性命。如此之類。病在上也。脚膝痿軟。行步無力。腰膝沉重。如此之類。病在下也。生於皮毛。染於筋骨。忽寒所中。飲食不消。忽熱毒所攻。大府祕澁。百端隨人。冷熱如此之類。病在內也。在上者吐之而安。然不可吐者。當制之以緩。在下者補之而愈。然不可補者。當制之以急。在外者可針。可灸。可汗。隨其所宜。而在內者可攻。可補。可下。隨其冷熱而已。其治之有方。其辨之有法。亦何患乎所投之藥。無必勝之驗者哉。此辨其上下內外者也。夫五味爽人之口。五色盲人之目。嗜慾無窮。貪着不已。憂患迭生。精神弛壞。而真殘根伐。是人之不能無虛實也。實者爲有餘。虛者爲不足。有餘者瀉之。不足者補之。而補瀉之間。又有內外之辨。故形不足者。溫之以氣。精不足者。補之以味。五藏六府之內。實者通之以藥餌。四肢八節之外。實者瀉之以針石刺。此其補瀉之有所不同也。乃所爲分其虛實者矣。夫古之人。年滿百而動作不衰。今之人。年未滿五十而動作有衰。非天之私於古而禍於今也。古之人。知養道之術。嗜慾不能勞其目。淫邪不能惑其心。血氣安和。精神內守。故年滿百而動作不衰。蓋真全而邪氣不能勝也。今之人。不知養道之術。務快其心。逆於生樂。血氣枯衰。精神耗

散。乃有胎胎相傳。病病相孕。受氣虛微。肌體羸弱。呼吸喘息之間。而百病臻湊於五藏六府者矣。此無他。精虛神乏。而外邪得以干其陰陽之正氣也。善爲醫者。保其真。去其邪。無使其過劑之藥。反有以賊其真也。此所謂分其真邪者矣。乃至有隔絕痞塞不通。空虛微弱失守。雖三尺之童。亦耳聞而心識者矣。夫病之在內。藥餌攻之。病之在外。針石取之。其有病勢之急。而藥石之功緩。而難制。聖人不能灸之法。類而舉之。若今陰毒傷寒。其四肢八節皆冷。面青唇黑。不知人事。急於氣海灸之。一灸不過十數壯。而人神氣完復矣。又有夏暑之月。任意取涼。頻飲涼水。忽飲冷酒後。恣貪色慾。精氣至虛。陰邪壯盛。陰陽相奪。陰氣偏勝。獨守下元。陽氣虛微。上攻頭項。其病脚冷如雪。四肢八節俱寒。脈氣深伏。但有其熱如火。其痛難忍。方此之際。針石何濟。急於氣海上灸之。一灸不過數十壯。而日前之所飲涼水。冷酒皆轉下。須臾四肢八節俱暖。而陰陽之氣仍相交際者。又有冷熱之癰腫。忽鮮赤而疼痛。忽堅硬而不痛。急以濕紙帖其上。尋其紙之先乾處。便灸。一灸至百壯餘而後止。若以冷腫而紙上不得其先乾處。卽於腫處當頭着灸。亦以百壯而止。但量肌體厚薄。方可安灸。瘦薄者少灸。肥厚者多灸。忽是冷腫。灸而不痛。則以聞痛而止。因喫硫黃後有此病。更在虛處。不請安灸。夫病之可汗可下。可針可灸。其緩急之序。重輕之別。操之不失其宜。施之各有其度。又何患乎人之不安。病之不愈者哉。嗚呼。天地無全功。聖人無全能。雖黃帝、岐伯之論。尙有不治之病。則今有非常之候。不得其詳。未明其實。闕而勿治。醫者不爲之辱也。苟其病之熾盛。人之危篤。醫者旣明其理。又識其詳。當此之時。不可有分毫之怯。急以毒藥驗針。回其生於萬死之地。舉必萬全。然

非至神無能與此。愚者行之，無異於操刀殺人。如此所為，闕於不精，勇於必驗者矣。此皆持之有術，治之有統，不可相踰於規矩權衡者也。至於病之有非五行之所傳化，若寒壅之相交，陰陽之相伏，忽似熱而反寒，忽似寒而反熱，忽兩寒兩熱之相攻，忽有餘不足之相礙，千變萬化而生人之大病苦。今若肺藏本有實熱，反因臨大風，冒大雨，極感於寒邪之氣，寒邪之氣客於肺經，寒熱相交發而成嗽。醫者治之，投以涼藥，順其肺氣，則助其寒邪之勢，而嗽愈增。投以暖藥，則激其本藏之熱，而加喘急。寒溫之藥，俱難以進。則修方便藥之輕重，當見於此。或有以羌活

黃橘皮

麻黃 去根

紫苑

杏仁 去雙仁皮尖

細辛

獨活

防風

桔梗

右為末，每服二錢，沸湯點服。空心不過數服而嗽止。此輕□□解其寒邪，空心賺其寒邪之氣流出於胃也。此所謂治其寒熱相交者矣。忽有人之藏府根本實熱，却因履天暑，冒大熱，驟入涼處，頓飲涼水，寒氣勝，畏其熱氣陰陽相伏，陰氣固而不散，陽氣伏而不動，其病結為一塊，伏在胸中。此病名為伏暑者也。其候忽寒，心中煩躁，狀似傷寒，而脈不甚數。醫者治之，妄投轉藥，雖六府之精華，悉皆蕩盡，而心前之結塊愈增堅固。此無他所下之藥，助其寒邪之勢，陰氣轉堅而不散也。治之之法。

芎

細辛

藿香

黃橘皮

木香 各一分

右爲末。每服二錢。水一盞。煎至七分。爲湯。空心服之。先解其寒邪之氣。不移時而心前之結塊頓然消散。然後復審其脈氣。察其暑毒之輕重。必投藥以解之。則亦何患乎藥之不驗者哉。如此所謂治其陰陽之相伏者矣。夫病有似熱而反寒者。若今有產後之病。五藏積冷。陰氣偏勝。乳汁倍多。無故流出。口舌常乾。非時發渴。頭旋目暈。飲食減少。腸胃虛空。身體羸瘦。每思登後。忽又不通。淺學治之。不過曰口舌常乾。非時發渴。上焦之有熱也。頭旋目暈。血熱而生風也。每思登後。又忽不通者。大腸之祕澀也。是不知乳汁倍多。無故流出。則口乾而發熱。從可知矣。體氣虛弱。頭旋目暈。腸胃空虛。而傳送之氣不足。則每思登後。又忽不通。從可知矣。一旦誤以爲熱。而投之冷藥。豈不傾人性命於頃刻哉。病有似寒而反熱者。若今壯歲之男子。志在淫邪。恣貪補藥。以昏求色慾。熱藥所攻。榮衛結澀。上氣有餘。下氣不足。上下之氣不相交際。脚膝痿弱。行步無力。兩足多冷。或時增寒。肌體黑瘦。飲食減少。才嗅鹹味。即便惡心。醫者治之。不過曰此五藏六府之虛弱也。投以暖藥。譬猶抱薪救火。與甚亡益也。才以清涼之藥。解利肺經。散其毒熱。上攻之氣。榮衛一通。則其陰陽之氣。仍相交際。手足自暖。脚膝損輕。而平復如故矣。此所謂似寒而反熱也。夫歲陽太過。天地不無旱乾之災。歲陰太過。天地不無水潦之患。以虛生寒。以實生熱。則人之藏府。不能無兩寒兩熱之相攻也。若今傷寒所謂陽毒之類。皆兩寒兩熱之相攻者矣。哀哉。色慾無厭。喪身之本。世人多以迷心。恣其所欲。反滄毒熱之藥。以希苟活。其丹元髓海。雖已空虛。而藏府骨槽。虛熱轉盛。此病之所生。不能無有餘不足之相礙也。若今人之患大腸祕澀。忽五六日。忽十日出後不通。小腸虛憊。日夜五六十

次每次小便仍有一盞半盞已來其清如水忽時黃色臨小便時其痛難忍甚則心神煩躁此肝心脾肺四藏之毒熱有餘而腎與小腸主氣不足也脾肺心積熱則腸乾澀腎與小腸虛憊則水道滑肝心積熱則其血沸溢甚則血黯黑熱毒之氣如煙如霧鎮在中焦因其小腸虛憊水道乘虛只行於小腸此所以小便雖清其痛難忍其病有似於淋而非淋疾天下物理有似是而非者正謂此也醫者治之投暖藥以固小腸而則滋其肝心熱毒之氣而痛愈加下涼藥通大府則藥隨水道只行於小腸而病愈盛冷熱之藥俱難以進此有餘不足之相礙也治之之法當以通氣藥爲湯洗其穀道先引其五藏之氣歸入於胃使其湯水稍隨氣而下入於胃第二度使水漸取得一兩箇下氣相次如藥取得些小乾糞氣歸大腸所餘湯水亦隨氣行歸入大腸則未喫小腸氣藥而小便自止也漸次使藥通其肝心熱毒之氣使出後稍通便下藥取其熱毒所取下物如半腐爛者淤血之類如此然後得其病根之消滅也所下之藥具在方中此謂治其不足有餘之相礙也吁醫術如林余之所得芽孽而已醫道如海余之所得涓滴而已因其所得雖無寸長稽其用心實非古人之形於筆舌者今略舉數條論之於前以明醫道之大略而已

涎論

論曰舟非水不行然波濤沸溢則覆舟之患生人非氣不活然痰涎併積則傾人之患至波濤非自生也其所以生者不平之勢作之也痰涎非自積也其所以積者不順之氣留之也故善行舟者不懼波濤而懼舟之不完善攝生者不懼痰涎而懼氣之不順故世人之疾病其所以殘傷性命之急者無甚於痰涎

而世之醫者。乃有見之而不能識。忽有識之而不能治。此不幸之人。其殘傷天橫者。不可勝數。何則。舉天下之人。獨知風氣之有涎。不知藏府冷亦生涎。熱亦生涎。痰涎一生。千變萬化。而病之所起。非特一端。愚今略舉數端。明之後之學者。於診療之際。類而推之。亦庶幾其疾病之徒無天橫者矣。夫涎之爲名一也。而具數種。一曰風涎。二曰熱涎。三曰冷涎。四曰病涎。五曰虛涎。六曰毒涎。其一曰風涎。蓋因人之風氣之盛。上運於涎。不能下入於胃。風氣一蒸。痰涎併起。而上填塞胸中。卽使人悶倒無知。其風氣久而不順。性命之傾危。速如反掌。若其風氣未盛。逡巡之間。仍復自順。其涎亦隨氣而下。卽平復如故。此蓋人之肌肉厚。湊裏深。風不得泄於外。風熱內攻。大府祕熱。毒氣上攻。遂生斯疾。此名之曰風涎。然風涎之爲名一也。而人藏府虛實之不同。則涎之爲病也。變化不一。愚得以命其變而言之。若今人之病。大府實熱。痰涎滿口。吐如清膠。胸中喘息如常。但湯水飲食俱不可進。凡所飲食。只到喉中。卽不能下。用力嚥下。卽喉中隔絕。喘急悶倒。良久方愈。惟進得些小膠粥。此亦風涎之候也。然風涎之候。變不同。則當如何而治之。曰善除荆棘者。先斷其根。善治風痰者。先順其氣。人身無倒上之涎。天下無逆流之水。今風痰一上。而填塞胸中。傾人性命者。風氣連而上也。今之治風涎者。多使天南星。半夏之類。是不知病之源流。去荆棘而不除其根也。苟能以藥先順其風氣。兼發其湊理。使其風氣得以發泄於外。順行於內。則其胸中之痰涎。自隨氣而下。未喫涎藥。而痰涎自順矣。然病勢之有輕重。則取之有緩急。若風氣炎盛。膠涎併起。其氣卒難以順之者。當制之以急。非吐之不可。風氣未極。痰涎未併。爲害未深者。當制之以緩。先順其氣。而後治其涎。

也。此亦治涎之大約也。然風涎之候。又有冷熱之不同。或有寒風所中。冷涎所聚。其人必先於半年或數月前。喫食減少。身體沉重。筋脈痿弱。才見肉味。便覺惡心。非時口中一兩點冷涎。出身不自覺。冷涎所併。忽悶倒不知人事。良久復蘇。卽生麻痺。或生譫呓。或失音不語。冷涎所積。少有上併。多聚中焦。盈溢胸中。包裹心絡。能使人狂言妄語。神識不定。非特不覺。手臂忽自舉動。如此爲冷涎之所中也。治之法。先以溫暖之藥。散其冷毒之氣。急以熱藥。發其腠理。然後以治涎之藥。取下其涎。雖且暫安。而寒風所中於人。亦甚不久。何則。熱風中人。如天地春夏之風。長含生氣。以養萬物。其人雖病難死。此古人所謂風所以能養人也。寒風所中於人。如天地秋冬之風。長含殺氣。以肅殺萬物。其人所中。非久必死。此古人所謂風所以能害人也。其二曰熱涎。若今有取性之丈夫。多滄葷膩。好食鹹酸。以色爲心。恣貪補藥。忽因醉酒房室。勞傷其精。丹元髓海。雖以空虛。而藏府骨膈。虛熱轉盛。其涎所積。隔在中焦。因其腎藏之虛寒。邪氣與熱涎相交。發爲疼痛。重則不移時。而傾人性命。醫者治之。不過曰。此肝腎之氣。是不知熱涎乃病之根本。然京三稜。蓬莪。非能治氣。而世人用而不驗者。不識其病之源流也。善爲醫者。臨事制宜。隨機應變。審當輕重。涎多者吐之。涎少者下之。所用之藥。偏取肝家之風毒。又何患乎人之不安哉。三曰冷涎者。若今人之肝藏有餘。脾氣不足。忽因使性。長懷淤怒。傷損肝心正氣。此冷涎之所以積也。脾氣不足。復因肝氣所乘。伏而不動。停水滯穀。久而不化。肝心長懷淤怒。則其氣滯澁而不行。此冷涎之所以積也。然肝生風。性之不定。忽時而作。肝主怒。怒則氣逆。此冷涎所以隨氣而上。而生人之大病也。證其候而言之。則其病必先

聞心前潰亂不快。相次聞有一物。隨氣而上。觸至咽喉。卽悶倒不知人事。手足肌肉。漸次寒冷。逡巡復平。愈治之之法。當以吐藥取之。得其所取之涎。其清如水。其冷如雪。取涎之後。復審其藏氣。隨其所病而調和之。亦無患乎藥之不驗也。四曰病涎。其人必好食堅硬之物。傷損脾氣。忽因淤怒。傷損心肝正氣。忽因寒邪熱毒之傷。忽因大病之後。餘毒客在藏府。其氣結澁昏滯。不能宣暢。是以痰涎因而聚積。涎與滯氣相交。往往發爲疼痛。此名之爲病涎者也。明其病證。在心前痛。輕則連年累月。痛無暫停。重則傾人性命。速如反掌。重輕之殊。涎之多少也。治之之法。當在量其病勢輕重。以利藥取之。輕則其涎如油。重則其凝如白膠。取涎之後。然後使藥清其藏氣。益其正氣。使之平復如故也。五曰虛涎。其人必因受氣之虛。忽因大病之後。生冷所傷。忽因疾病之間。淫慾不節。致令藏府之氣。空虛羸乏。而骨膈之間。虛熱上蒸。上氣鎮長。有餘下氣。但常不足。陰陽之氣。不相交際。不順之氣。隔在中焦。是以虛涎因而積聚。風熱一攻。卽其涎併上。初發作時。先覺清涎滿口。漸聞心前有一物。上觸咽喉。卽喉中急促。悶倒不覺。兩手相亂。把拽風氣極上。卽頭上癢。忽皮臍間痛。逡巡風氣順下。乃遂平復。治之之法。當以臨發時。使五分利藥取之。以其胃氣不足。不可十分利吐也。若利吐不出。非時以壞風涎藥攪之。候分數少減。卽於氣海上安之一炙。引其涎下入於胃。然後使藥調其藏氣。酌量其藏府之虛實。有餘者瀉。不足者補。令上下之氣相等。可庶幾其全安也。若脈氣微細。大府虛冷。減其肝氣。益其胃氣。斯可矣。若小兒得病者。全是胃氣之虛。氣海上安一炙。補暖脾胃。以愈斯痰。仍不輒喫取風涎藥也。六曰毒涎。若今人之患陽毒傷寒。肝心脾肺受其疫毒之氣。



因其毒涎相積聚在中候其證。即使人大府祕熱。小便黃澁。面色黯赤。渾身發熱。昏昏如醉。狂言妄語。不知人事。如此之候。悉皆是涎。診其脈氣。又却沉伏。重手取之。骨間乃得。此乃疫毒之涎。盈溢心胸。伏其脈氣。非脈氣之與病相反者也。此所謂毒涎者矣。治之之法。急以疎轉之藥。取其毒氣。蕩下其涎。所下之藥。須心肝脾肺四藏俱治。然當以肝藏為主。偏下肝藏之藥為要也。雖然。涎之為病。千變萬化。其狀不一。是今之所舉數端。止其大略而已。後之學者。類而推之。加以識見之明。而診療無差。亦無患乎涎為人之大患者矣。

治涎諸方 凡人得只有此方內一件  
一句病證皆可喫此藥

治一切丈夫婦人風涎所積。非時急飢。見食即飽。心中嘔逆。一切飲食都不開味。口中涎溢。睡如濃膠。急即吐逆。食不住腹。面色青黑。肌肉乾燥。唇皮焦赤。忽時黑色。兩脇下氣跳。忽衝。脇下跳戰。轉入背脾痛。遍身肌肉。忽時跳戰。兩臂沉重。忽如有物壓着。夜間都睡不着。忽如有物上觸咽喉。即昏悶不醒。須臾仍却無事。忽時如有物纏繫腰背。忽時有物橫在背上。腰背疼痛。忽滿口生瘡。忽時下赤糞。忽時泄瀉不定。頂上躁熱。小便赤色。通身發熱。眼色勁急。忽時心躁。熱上攻胸。額發汗如水。忽時頂上皮膚間疼痛不可忍。忽時心前脇下迸重。如懸一片物。忽聞重處非時麻痺。忽身上肌肉結塊連綴。疼痛不安。忽時頭面小腹兩脚都腫。若是婦人。連陰門腫。忽起兩眼迸痛。視物不明。若有此候。月水不行。通得月水。方為安校。忽時聞在兩脇下起。衝入胃管。上築咽喉。昏悶不安。須是開口仰項吐氣。方得稍快。忽時如有亂蟲咬心肝。不

可眠臥。忽時聞氣在手指足指甲起。相次聚入胃管。即便大發熱。昏絕不醒人事。須吐氣千百聲。良久方蘇。如此是藏府有積毒風涎之所致也。凡人不安。有此內一件病證。皆可進服此藥。但論輕重。加減服餌。喫此藥後。四肢八節。肌肉毛髮。俱軋軋然有聲。即藥之驗也。此涼藥也。喫後。大府反熱。即取病之證也。此病有根。受之太深。此藥不輟進服。徐徐減病根。若病勢濃者。急灸肝俞。滅其風氣。若是大府結滯。更添下而藥數味。喫安校。若是太歲過六壬丁卯己亥之年。常有此候。己巳己亥年。其病尤甚。若遇己上年辰。雖無病之人。亦可喫此藥。免得生病。

治風氣取涎方

荆芥穗

麻黃去根

薄荷

羌活

連翹

防風

獨活

芍藥

木香

乾蠟

僵蠶

牽牛半兩

半夏三銖

山梔壹分

去絲各三分

以上細搗爲末。每服貳錢。食後煎生薑薄荷湯調下。和滓服。若是大府祕熱。膠痰滿口。喉中嚙藥不快。只請去滓喫。候風氣少利。即和滓喫也。若是大府祕不出後。即用大黃壹分。半夏三銖。牽牛一兩半。共三味。搗羅爲末。作一處。每服用上面藥末三錢。牽牛等末三錢。共計六錢。滴熟水。丸如梧子大。爲一服。巳午時。葱湯下。大府尙不通。忽穀道中通糞不下。即用皂角。牽牛二味。搗羅爲細末。筆管盛。內於穀道中。吹之。翹

去指甲用指頭穀道中撥取乾糞下也。

痢論

夫痢之爲病。世人所患者多。然方冊所載者。未嘗有必驗之方。古人所談者。未嘗有卓然之論。服餌之間。世人天橫者。莫知其數。此聖人名方爲大奇。後之學者。不能思而自得之也。若今有人得一名方。自以爲神傳聖惠。應効不測。然有一人服之而減。未可圖其必然之驗也。此愚以方冊所載者。未嘗有必驗之方也。以赤爲熱。以白爲冷。醫者之辭。萬口一說。此愚以爲古人所談。未嘗有卓然之論也。何則。以赤爲熱。以白爲冷。赤白爲冷熱不和。獨知大綱。而痢之有變化重輕之別。得其粗而不得其詳。知其一不知其二者矣。夫痢之爲痢。一名而具八種。一曰白痢。二曰赤痢。三曰赤白痢。四曰水穀痢。五曰血痢。六曰疫毒痢。七曰休息痢。八曰小兒疳痢。此皆受之不同。治之不得不異。索其詳而論之。則其痢之爲病。雖變化重輕之不同。然一歸之脾氣之虛而已。

萬物非土不生。五行非土不載。五臟非脾不養。脾者。中州之土。能化腐水穀。設滋味於肌膚。行精粕於大腸。脾藏溫和。而諸臟之有冷熱不調。卽自生他病。不爲之痢也。是故赤痢雖熱。本因脾腎之虛。赤白相雜。雖爲冷熱不和。而又有重輕之別。若今人之下赤痢。先轉數行。而後有赤痢之變。若以赤痢爲熱。何乃有先轉之說歟。以赤白爲冷熱不和。而復有赤少白多。赤多白少。能無重輕之別乎。此病有變化之不同。予得以命其祖而言之也。一曰白痢者。五臟傷冷。脾胃極虛之所成也。其得之重。出後如雞卵清。如魚腦漿。

者。腎有所傷也。急以補脾腎藥以暖之。加以舶上硫黃丸。無問多少。空心卽服。以止爲度。蓋病勢之重。治之不可後時也。二曰赤痢者。三焦之熱血有餘。而脾腎感寒之所成也。夫肝心積熱之人。多食生冷。愛喫涼水。口之所納。都聚於脾腎。寒溫之氣所傷。而肝心氣變。血損於中。此肝心之血乘脾之虛。滲入大腸而赤痢者也。先服解寒氣藥。次喫暖脾藥。其治之如反掌爾。三曰赤白痢者。心肝血損。而脾之與胃。藏腑皆虛之所成也。脾氣之虛。則肝氣相乘。胃氣之虛。則停水滯穀。凝而爲涕。肝氣乘脾氣。則肝心之熱血乘脾之虛。滲入於大腸。與胃中之涕相雜而下。此所以爲赤白也。忽有赤少而白多。忽有赤多而白少。忽有赤白相等。此受病有淺深。下藥有輕重。當在臨時度宜。隨機應變。不可差之分毫也。愚初以謂赤多而白少者。清利肝氣而輕暖脾胃也。白多而赤少者。微清肝心之氣而甚暖脾胃也。赤白相等者。微利肝心。平益脾胃氣而自愈。但發寒熱爲最重。方見痢方中。四曰水穀痢。其人多飲涼水。忽發生冷之所成也。所下之痢。悉皆黃色。忽時下白沫。治之之法。補暖脾胃。而其疾自愈。五曰血痢。其人多淤怒。因更相毆擊。忽因焦熱極。驟食生冷。脾胃損虛之成也。所下之痢。多黯赤色。無寒熱者。清其肝心之氣。而疾自去矣。六曰疫毒痢者。毒氣所傳。一坊一境。家家戶戶。更相染易。無有不病。凡下痢之時。忽先發寒熱。忽先轉數行。忽生冷所傷。因而下痢。所下之利。渾是赤色。濃如膿涕。忽時半盞下。濃血腹中刺痛。忽心中煩躁。三焦否隔。全不思食。此名爲疫毒痢也。然則疫毒所主五藏。從何而得。經言。春若傷陽。夏必人多瀉痢。此疫毒之根。先受之於肝也。夫春氣本和。而反傷於熱。此陽氣所勝。肝家受熱。而其氣有餘者也。經言五行受病。必先傳其

所勝則肝之得病必先傳之與脾而世人於夏月之間多食生冷傷損脾氣脾氣虛肝邪得以乘之而脾受肝邪伏而不動莫能消水化穀此疫毒之痢必先轉數行而後有赤痢之變也先轉數行者脾受邪而脾已生病也後有赤痢之變者肝之血熱乘脾之虛滲入大腸而爲赤痢也中間忽有赤白相等者此肝之毒血雜胃中之寒涕也若發寒熱方見痢方中有白少而赤多或有白多而赤少肝之邪毒有輕重之不等也七曰休息痢者蓋患痢之人其治痢之時不能解肝邪而肝家餘毒之所成也脾藏久受肝邪則不能強健消化水穀是毒痢之所下纏綿久遠而不較此所以爲休息也八曰小兒痢者蓋小兒肝受熱而相刑於脾之所成也肝之刑脾則所下之痢全是赤色或赤白相雜至脾之自受疴氣則骨肉消瘦所下之痢多黃涕白沫少有赤色相雜也如此數端亦治痢之大略而已至於醫道之淵微恐不能知其妙

治痢諸方

治脾胃虛冷停水滯氣凝而成涕所下之痢渾是白涕宜喫此方初得痢時並無壯熱頭痛方可喫此藥  
船上硫黃一兩細研如塵

右以白麵一分鍋內炒令熟放冷於乳鉢內與船上硫黃末同研令勻滴熟湯丸如梧桐子大每服五十丸以止爲度空心溫米湯下若初得痢時卽不可喫此藥

治脾胃氣冷相刑於腎土水相攻寒濕交爭所下之痢全是清涎有如雞卵清之類宜喫此方將船上丸相間服

石斛 湯根

白朮

吳茱萸

續斷

草豆蔻 去皮

芎

乾薑

茯苓 壹分

防風 各一分

訶梨勒

逐箇麩裏火炮熱去核只使皮秤半兩

牡礪 一分煨通赤

右以上細搗羅爲末。煉蜜九如梧子大。早朝空心溫米湯下五十九。空心服。有壯熱不請喫。治三焦壅熱。其血流散。乘脾之虛。滲入大腸。而所下之痢。盡皆赤色。別無白痢相雜。並不壯熱。亦無心腹疼痛。診其脈上都洪大。脾脈多鼓。而沉大。宜服此方。候上焦氣清。赤痢消滅。忽變成白。忽赤痢減後。却聞得小腹逆脹。即便脩合後方。喫取平安。

麻黃 去根

防風

麥門冬 去心

獨活

木香

牡丹皮 去心

煎胡 去毛

荆芥穗 各一分

蒲黃 四錢

右爲細末。每服二錢。食後。熱湯調下。去滓服。候赤稍減。忽變成白。忽聞小腹膨脹。即脩合後方。喫也。治赤痢喫前方了。忽變成白。忽已校可。忽聞小腹膨脹。宜喫此方。

防風

甘草 一分炙各

芎 半兩

木香 三錢

訶梨勒 麩裏火炮熱去核只使皮半兩

右爲細末。每服一錢半。水一盞。煎取九分。空心。和滓喫。

治水穀痢。所下痢並無赤色。只下黃涕。忽時下白沫。飲食減少。肌體黃瘦。宜服此方。

訶子麩裏火炮熱去核只使皮一兩

黃橘皮

白朮

芎各半兩

甘草四錢

肉豆蔻一箇

船上硫黃一兩細研

右搗羅為細末。用船上硫黃相和令勻。用薏苡仁作粉煮粥。丸如梧桐子大。急火炮乾。每服五十九。空心。溫米湯下。須是焙乾。莫令損藥氣。治赤痢。所下之痢。渾是鮮血。忽有黯色。據候多。因使性痰怒。傷損肝心。正氣。忽因事爭打。傷損經絡。致有斯疾。

桑寄生 壹兩

獨活

木香

甘草炙

芎

牡丹皮去心各一分

右為細末。水一盞。煎取八分。非時喫。每服二錢。

治疫毒痢并論痢藥須子細對證用之。取效如神。大抵此一集方。無不精妙。但要病藥相對。

凡疫毒痢。一方一境。家家戶戶。更相染易。無不病。緣疫毒之痢。非獨一般。證候多端。根源奇異。雖神農岐伯。尚以為大奇之病。後之學醫。未識其粗迹。豈知其津涯。但言白痢為冷。赤痢為熱。赤白為冷熱不和。不知有何經證。以白為冷。偏下暖藥。幸亦無差。以赤為熱。不知熱從何藏。愚者妄言。不過曰熱從肝心。因何無涼肝心。必驗之一方。定治赤痢。以行於世。以赤白為冷熱不和。又不知指稱何藏。愚者妄言。不過曰冷熱氣不和。復不知因何無和氣藥。一方。定可用治赤白痢。以存之方冊。醫家自不知病在五藏。從何而生。

只務檢方行藥。幸而偶有所中人。且獲安。不幸而差之毫釐。所投之藥。乃暗中與戰。但病者不見痕迹。所傷無能知覺。觀之得不寒心。吁。神農之後。世世學醫者。未明天地之氣候。不識五臟之應變者。不能知常病之源流。豈足與語奇病之變化。是以痢之一病。方冊所載。古人所談。未嘗有一言一句。略明其粗。予嘗探尋五運之氣數。稽諸天地之變化。推步六氣之行度。參考脈氣之纏注。以天驗人。以人應天。痢之一病。億萬分中。少知其一二。但以其變化之間。獨可神悟。難以言窮。筆舌之間。不能曲伸其旨。使後學者洞識精微。而無悟人之性命。深以爲恨。今但子細陳其粗迹。以爲後之醫者。筌蹄在。詳審而用之。適足以知我之用心。誠爲愛人之切爾。經言。春若傷陽。夏必久多瀉痢。此之一節。無問太歲。但一春之間。早有炎暑暄熱之化。至於夏月。忽生瀉痢之病。通其肝氣。其病即愈。但兩三盞無驗。更不請喫。若少有效驗。喫之以較爲期。蓋痢之一病。證候多端。藥中其源。即便安校。故無在於多喫也。切慮世醫誤認證候。妄投藥餌。以傷性命。但患痢之人。所喫之藥。兩三盞不見効驗。更不請進服。今自有方。具其變之候。備別于下。更在詳擇而用之。永無差誤。緣疫痢之狀。變證多端。予請以太歲推之。

子午之年。君火司天。土性生金。火性制金。土火交生。濕蒸相搏。則宜其土有所潤。火有所溽。火氣見鬱。心氣內傷。乃生赤白血痢。寅申之年。相火司天。土火並化。氣味交通。與此同候。丑未之年。太陰司天。土化流行。土火交通。濕熱並至。子母同化。性不相侔。溫濕攻心。脾鬱。心氣內變。血淤於中。注下赤白。且子午年。丑



未年寅申年土之司天則異而氣化之生病則同何也答曰夏秋相交火金相繼土之一氣常遊於其間土有所潤暑有所溽然後金生是以火土二位氣位交通事理相混其所以同天之歲雖殊相鬱而生病則一也方見下卯酉之年陽明司天金行其令氣化淒清人少脾病六月七月水火相犯八月九月金木相攻水之與木一化有餘赤白下注從此而生是歲君火司地少陰在泉火能制金一旦於歲中火淫所勝焰明郊野則化來救寒更作人病赤白在下己亥之年少陽在泉相火司地與此同化然君火之化善相火之化惡善則傷人遲惡則傷人速治同法方並見下

辰戌之年太陽司天水化流行寒邪犯心血氣內變傷損於中因而下注赤白此病世之罕有蓋傷犯人之急也但

辰戌年之痢發熱如火當痛所下之痢如紫草水如膠凝如茶脚不急治之其亡也如反掌方並見下

己亥之年厥陰司天木化流行土木相交風濕相爭脾土受邪此肝之熱血乘脾之困滲入大腸而生赤白瀉痢之病方見下

已上天地氣候推之未詳予請以五運之政推之

甲子甲午濕化有餘丙子丙午寒運太過庚子庚午上受天刑必有水救已上年辰天地相過剛柔始交月氣是水與天相犯水火相持以爲一年病始更遇寒濕之運與水相助忽受刑之運有水相救已上年辰歲半之前多有清肅之化至於夏月氣候反寒熱交爭乃生赤白之痢爲此寒濕犯火德之與常例不

同。自有方在下。子年爲甚。而午年少減。若寒化偏多。陽化少舉。乃生寒瘡傷寒。瘡之病。痢疾乃加。戊子年上爲天符。戊午年天符歲會氣以之詳。人以之寧。一旦寒濕之氣少犯於心。忽注下赤白。人多患暴死。有此證候。治之亦與丙申年同。議者謂戊子戊午年。天氣運氣皆是火。今乃言忽有寒濕犯心。何也。答曰。己午之上。有戊己之土。當有寒濕之化。與火相持。然後使金得而生。此戊辰戊午年。亦疑有寒濕之化。相犯於心也。經言中執法者。其病速而危。中行令者。其病徐而持。中貴人者。其病暴而死。蓋以此也。壬子壬午。木運相助。風熱大盛。木能制土。脾乃受邪。若此歲中。忽有大風炎熱之勝。人生瀉痢之病。其鬼在肝。方具於下。然子午之歲。地之初歲。寒邪與天相爭。丙丁之位。與戊己共居。若於歲中。反有寒濕之多。所生之痢。治亦與甲子丙午甲寅甲申丙寅丙申戊申庚寅庚申壬寅壬申年。氣候大約與子午年同。所生之痢。亦同。法方並見下。

乙丑乙未丁丑丁未己丑己未辛丑辛未癸丑癸未。已上年辰。每一年之運。各管三氣化。乙丑乙未。金運本涼。以其氣之不足。反與少徵同化。然火土交味。太陰所寓。熱化並行。濕熱相持。心氣內鬱。血損於中。注下赤白。忽火之不常其德。侵傷其不足之金。則水必相救。寒邪犯心。因而生痢。此乙丑乙未年之痢。忽有以土之鬱火而生。忽有水之犯心而成。其受病臟腑雖不同。然土水共胞。寒濕同化。則其治大同而小異也。方並見下。經言其運涼熱寒。蓋以此矣。向下准此而推。

丁丑丁未。木運正。風與天土相犯。然以氣之不足。反與少商同化。若於歲內。金之不常其德。多有清肅之

化則火必相救。炎暑將至，與土相持，而濕熱相交，血氣內損，乃注下赤白。然丑未之年，天能制色，土將犯水，木雖不足，而其怒無時，忽若風化大來，土木相戰，則肝發傷脾。此丁丑丁未年之痢，忽起於肝，忽生於脾者矣。方見下經言丁丑未之年，其運風涼熱，蓋以此也。

己丑己未年，天符歲會，氣以之詳，物以之寧，人以之安。然太陰之味，先苦後甘，氣化相交，土性生金，火性尅金，忽於歲中，火土相攻，心血內變，痢疾所生，人多暴死。此蓋邪之不可侵傷於貴人也。方見下，遇此年辰常喫調和脾氣藥，以安貴人，是服食之宜也。

辛丑辛未，水運不足，雖上受天刑，然下加太陽，反歸乎氣，是歲天土地水寒濕偏多，火氣見鬱，若有痢之疾生，其起在心，其鬼在於脾腎，方並見下。

癸丑癸未，火當其運，其氣不足，反與少羽同化，是歲太陽在泉，寒氣不減，寒濕更作，火氣見傷，痢之所生，其病在心，其鬼在脾腎胃，方並見下。

寅申之年，大約與子午年同，但相火之政暴，遇其獨勝，則其害立至。若與水土相犯，其候變證多端，方具於下。

乙卯乙酉年，金運不足，本與少徵同，然乙在卯上，爲天符，反歸平氣，在酉上，爲三合，名曰貴人，邪不可犯。然是歲，金位在上，火位在下，名爲逆化，金燥交合，切忌火氣之勝。若火有所勝，水必來救，此年忽有痢疾之生，天氣炎熱，病起於心，氣候清寒，病起於腎，方具于下。丁卯之年，木運不足，下加於卯，雖上受天刑，其

政不減。是爲歲中。忽有風熱之勝。痢疾之生。其鬼在肝。乙酉之年。木受天刑。然是歲火司於地。與木相得。忽於歲中。反有風熱之作。方見下。

己卯己酉年。土運不足。然木受天刑。必難相犯。忽於歲中。風濕交爭。痢之所作。其鬼在脾。卯年宜有此候。酉年差減。若有此疾。治之亦同。辛卯辛酉年。水運不足。反與土同化。而歲水不及。火化妄行。與土相持。勝熱客於胃。多下赤痢。忽作便血。土勝則溽火而注下。赤白。是歲若有痢疾之生。一起於心。一起於脾。有方治之。具見於下。

甲辰甲戌丙辰丙戌之年。寒濕過多。火氣見溽。庚運之年。清化亦甚。是歲運氣與天水相生。與地土相得。已上年辰。痢疾之生。切爲大害。不可妄投涼藥。戊辰戊戌之年。水火相戰。壬辰壬戌之年。土木相攻。所生之痢。其證自各不同。方具於下。

乙巳乙亥之年。金運不足。無能與天相犯。乃與少徵同化。丁巳丁亥之年。上爲天符。木化之甚。

己巳己亥之年。木能制土。脾將受邪。辛巳辛亥之年。水運不足。與土化同。土木相攻。脾氣偏弱。癸巳癸亥。不足之火。與天相得。與地相符。火致政不減。是痢疾所生。起在肝心。方並見下。以運言之。猶且未足。予請以六氣推之。子午年。丑未年。寅申年。四月五月。火土相交。辰戌年。四月五月。水火相犯。己亥年。四月五月。木土相攻。卯酉年。四月五月。金火相持。水若相救。邪乃犯心。子午年。六月七月。土火相鬱。卯酉年。六月七月。水火相犯。辰戌年。六月七月。土木相攻。己亥年。六月七月。火土相持。已上年月。忽生痢疾。皆隨其月氣。

相攻而成也。善爲醫者先治其鬼，其病自愈。議者謂六氣推遷於十二月中各紀一步，今獨舉四月、五月、六月、七月兩氣以言痢疾何也？答曰：夏秋相交，火金相繼，土水二化，長遊行於其間，土寄於巳，所以生金。火位於申，所以制金。土生於申，所以傳金。水生於申，所以救金。然後夏秋有相承之理，五行六氣，玄妙從此而著。人之痢疾從此五行玄妙中生，是故聖人名之曰大奇之病。予故陳逐年四月、五月、六月、七月之氣候以言之。其餘他氣生痢，皆倣此而推切以六氣之政化見之，未詳。予請以脈候明之。

若今人之下痢，服涼藥、暖藥皆不驗，診其脈脾一指外鼓而沉，此名腸澼。其候非藥力可治，久當自較。但世人有患不驗纏綿經久，却因亂喫一般物，使得安校，此乃正腸澼之候也。今有患痢診其脈肝脈一指小而緩，此病輕，治卽愈。今有人患痢診其脈腎脈一指小而沉，所下之痢皆是血痢。此之一病受之非常，治之亦難。血溫身熱者死，方亦見下。今有人患痢診其脈肝心脈脾脈皆微細不濇不絕，所下皆是血痢。藥到便安。今有人患痢其脈微小，再三尋之，又沉而濇，此之一候。若下白痢其勢雖重，庶幾可治。若是下血，切忌發熱，通身發熱者死，熱見七日死。已上所陳雖未足以達痢之淵源，亦足以明其粗迹。議者謂如子所言，自甲子至於癸亥，每六十年中未嘗有一年不生痢疾。今世人患痢疾於數年中間忽止，有一年其故何也？答曰：六十年中未嘗有一年無水土相攻，未嘗無土火相鬱，未嘗無水火相犯，但五運之政譬如權衡，一年間五行氣數更相承制，得其平等，則其疾自然不作。忽若一氣大過，一藏有餘，痢疾之生，應不旋踵。予故備陳其粗，以開後學之未悟。庶幾診療之間無差悟之過者矣。但毒痢傷人不一，惟水邪犯

心爲重。世人初患痢時。先發寒熱。投藥治之。其勢不退。發熱太甚。食則嘔逆。下痢不止。心熱如火。只要入涼處。只思喫冷水。狂走。渾身肌肉疼痛。着手不得。此候。十難治其三四也。治疫痢方。須是仔細。首尾讀此方論。命分明。識病根源。然後喫藥。但毒痢初得時。先發寒熱。忽頭痛。忽壯熱。忽轉數行。便下。赤白相雜。忽止。下白痢。忽先下白痢。後變成赤痢。忽先下赤痢。後却變成白痢。宜喫此方。但初下痢時。先發寒熱。頭痛。卽是寒邪犯心。寒氣犯心。水火相戰。故初得病。先發寒熱。水火相犯。血變於中。所以多下赤痢。如紫草水。如芫菜水。無色澤者。寒邪犯心之重也。先發寒熱。而所下之痢。止白色者。寒邪犯心之未重也。先下白痢。而後有赤痢之變者。寒邪犯心。其勢漸加也。先下赤痢。而後變成白痢者。寒邪犯心。其勢漸減也。赤白相等者。口冰火相犯。其氣相等。寒濕之氣相搏而成也。忽有赤少而白少。此寒邪之勢有多少。毒痢之病有輕重。以白多爲輕。以赤多爲重。治之之法。先奪其寒。則所下之藥一也。以太歲分之。則丙子、丙午、甲子、甲午、庚子、庚午、丙寅、丙申年。甲寅、甲申年。庚寅、庚申、并辰、戌之年。運過丙申及庚運所臨。其害尤甚。及丑未之年。宜有此候。又更無問太歲。蓋天地變化。其候多端。難可窮盡。今立此方。但世人亦不必椿定太歲。但看一年中春夏之內。多有寒肅之化。陽光少見。忽寒熱二氣更相交爭。忽於夏月多寒濕之化。寒邪犯心。所受之痢。先發寒熱。忽頭痛。忽先轉數行。後有赤痢。忽赤白相雜。忽止。下白痢。並宜喫此通神散。喫後取壯熱減退。若兩三盞後。壯熱不退。更不喫此方。自別有論方在下。

麻黃去根節

官桂去蘆皮  
各三分

甘草各一分

大芎

白朮各一兩

細辛八銖

獨活

桔梗

防風

芍藥

白芷各半兩

牡丹皮去心

牽牛四銖炒

右為細末，每服二錢，非時熱湯調下。和滓熱喫，若喫三兩盞後，寒熱不退，更勿喫，自別有方論在下。若喫此藥後，寒熱已退，赤痢已消滅，便修合第二、第三方藥，喫之取安。校若寒熱已退，赤痢未消滅，更服三兩盞，然不可多喫，一日只兩盞。候赤痢消滅，忽變成白痢，漸次修合第二方藥，候出後。

度數減少，便修合第三方藥，喫取平安也。但六甲之年，六庚之歲，春夏之內，時氣多寒，人得痢疾，此藥通神。若是六甲之年，丑未之歲，濕化偏多，人得痢疾，先發寒熱，即於方內添草豆蔻一兩，修合也。又不問太歲，但一年間，春夏之內多寒，人有痢疾，先發寒熱，並宜喫此方。治毒痢初得時，先發寒熱，喫前方，寒熱已退，赤痢已消滅，宜進此方，還真散。若喫前方藥，寒熱未退，赤痢未消滅，更勿進此藥，但天地變化，其候非常，痢疾證候多端，此不得不盡子細故爾。

訶子

五箇用麴裏火炮熟，不要生，不要焦，得所去麴，不使煎熱，咬訶子破去核，不用，只使皮焙乾。

右細搗羅為末，每服二錢，以米湯一盞半，同藥煉取一盞，喫。若吐出一兩口涎，便住。如此喫經數盞，大府漸安，出後減少，便修合第三方藥，喫以牢固大腸。若喫前方藥，壯熱未退，血痢未滅，不請進此藥。治疫毒痢，喫前兩方藥，病勢已滅，所下之痢，止餘些小，忽青糞，忽如鴨糞，忽如茶湯，如濁油，忽只餘些小。

淺深紅色。宜喫此方。以牢固大腸。還復真氣。船上硫黃丸。

船上硫黃一兩去少石  
細研如飛塵

右以薏苡仁二兩炒熟。擣爲末。與船上硫黃相和勻。滴水相和。丸如梧子大。空心。以米湯下五十九。  
治毒痢初得時。先發寒熱。服前面毒痢方通神散三兩盞。一日忽隔一夜。寒熱不退。下痢不減分數。通身發熱。所下之痢。多是濃涕。如桃花色。如紅米膠。每一次忽下一盞。半盞已來。喫此藥二盞三盞。經一日。忽一夜。寒熱不退。下痢不減分數。更不進此藥。若依法進藥兩盞。壯熱便退。下痢少減分數。卽請漸漸進此藥。每日只兩盞。候赤痢稍減。忽變成白痢。却修合上面還真散。喫取平安。且痢之有寒熱。其證一也。前方以暖藥解之。此方以涼藥投之。其說何也。答曰。水邪犯心。身能發熱。土濕鬱火。身亦發熱。肝熱刑脾。身亦發熱。惟至精者。識其秋毫之變。切恐世人未能通其妙旨。予因設此兩方。以救其失。然毒痢之傷人。惟水邪犯心。最爲極重。但患痢疾之人。有增寒壯熱。先喫上面通神散兩三服。寒熱不退。下痢不止。然後進此藥。以太歲分之。惟六壬。六戊。寅申。巳亥之年。宜有此候。而六戊之年。尙有差變。蓋火盛之年。必有寒濕相犯。故然。以六氣推遷不定。又不可局定年辰。但一年之間。春夏之內。熱氣偏多。濕化不舉。人有痢疾。肝脈弦。心脈洪。然後喫此藥。若喫兩盞後。不見效驗。更勿進服。蓋痢之所起。切忌水之犯心。不可妄投涼藥。故此方兩盞後無驗。更不可服。

荊芥穗

牡丹皮去心

木香

白頭翁



芍藥

桔梗

防風

獨活

地榆各一分

黃連

蜜浸一宿火上炙乾使三分

牽牛炒一分

右為細末每服二錢水壹盞煎一二沸急瀉出食後溫和喫之此藥少見效驗更可進服以安為期然不可多喫一日只兩盞痢才住便得止

治毒痢初得時發寒熱微有小寒熱忽止腹痛出後時糞後有少膠涎與赤痢相雜却自誤喫涼藥漸漸下痢極多從早至暮但只思睡早朝即顏色枯瘁身體稍涼近晚至夜即面色赤顏色光潤下痢極多皆清涎與赤痢相雜通身發熱不思飲食渾身肌肉着床則痛據此候宜當喫此藥但身體大熱如火與人相近則熱氣逼人其脈輕微輕手取之散滿指下不分部位全無骨力指下如風如氣重手取之指下全無急用訶子五箇炮制如下面法搗羅為末為一服先用熱米湯調和滓熱服吐出涎脈氣方生可進下面方

白朮中劑

白芷

芍藥

大芍各一分

甘草四錢

訶子

五箇細裂炮熱去麩或碎去核用肉焙乾

右細搗羅為末每服三錢熱陳米湯調下和滓喫  
治毒痢初得病時並無寒熱所下之痢全是濃血忽黯血左右三部脈氣皆微細宜喫此方

桑寄生壹兩

防風

芍各一分

甘草四錢

右搗羅爲細末。每服二錢。水一盞。煎八分。空心。和滓喫。

治赤白痢。初得時。並無寒熱。忽患赤白痢。經久未較。別無增寒壯熱。宜此方。

淡豉十箇

黃連四十九枚。每枚長一粒飯許。

右件。用新埧瓶一箇。安藥在內。以新片瓦蓋瓶口。大火煨通赤後。煙絕取出。就熱。研如飛塵。每服二錢。熱鹽米湯調下。和滓服。應是赤白痢。無問赤多白少。但身體無增寒壯熱者。皆可喫此方。

治赤痢。或赤白相雜。初得時。並無增寒壯熱。經及數日。身體不熱。只聞小腹內躁熱。下血不止。或止血便暖藥。不見驗效。宜服此方。寅申巳亥年。六壬之年。宜有此候。但喫兩盞後。不見效。更不請喫此藥。但唇皮赤。忽腫黯色。小便黃白。身體涼。夜間則發熱。如此。卽肝熱刑脾之證也。

荊芥穗

牡丹皮去心

白頭翁

地榆

芍藥

防風

桔梗各一分

黃連壹分

牽牛炒熟。三銖。

木香三銖

右搗羅爲細末。每服二錢。水壹盞。煎兩沸。食後。和滓溫服。須是一年之間。春夏之內。風熱太甚。分明識其痢疾。定是伏熱。方可進此藥。

治下赤痢。身體並無增寒壯熱。此名肝心變滯。

黃連一兩。蜜浸一宿。炙令香熟。

木香三銖

右爲細末濃煎陳米湯調下二錢食後和滓服。

治赤痢不止其脈反微小沉而又瀉其身熱者死熱七日死此候極危困但喫上面通神散一兩蓋發熱便退亦庶幾可治便修合上而還真散舶上黃丸喫取安校若喫通神散後發熱不退難治之也。

治患赤痢赤白忽因先寒瘡後變成痢忽因患痢後却變成寒瘡但疾痢時無問赤白若有增寒壯熱並宜喫上面通神散喫了熱壯已退便修合還真散舶上黃丸喫取安校緣此證候乃水邪犯心治之不可輕也。

桑寄生 半兩

地榆

芎

防風 各一兩

人參

黃橘皮 各一兩

甘草 炙

木香 各三銖

白蒺藜 半兩 炒去尖

右爲細末每服二錢水壹盞煎取八分和滓喫服經數日外仍修合暖益脾藥喫。

治小兒疳痢所下之痢多黃沫白涕但髮稀而黃腹大忽非時泄瀉不成肌肉宜喫此方。

使君子 半兩 蒸 三度

訶子 一兩 炮 去核 使肉

白蕪荑

草薺

芎

檳榔

肉豆蔻

木香 各一分

右爲末每服一錢半空心倉米湯調下量兒大小服之。

治小兒肝受疳氣相刑於脾所下之痢多是鮮血忽是膿血忽赤白相雜宜此方。

防風

地榆

芎

白蒺藜去刺各一分

史君子半兩煎四

木香

甘草各三

黃連四銖為一兩

右為細末每服壹錢半非時或食後任意煎點冷喫治痰嗽益真丸

人參

黃耆

吳白朮各半兩

木香壹分

熟乾地黄六錢

鱉甲四錢

當歸去苗

白芍藥

白茯苓

阿膠炒成珠子

鹿角霜各三錢

桑寄生二錢

枳實一錢炒

右為細末煉蜜丸如梧子大非時清湯下三十九一日兩服治氣弱腹結

白朮半兩

人參壹錢

大芎

甘草炙

藿香

半夏

陳橘皮各一分

茯苓三分

草豆蔻各一分

薏苡仁半兩

厚朴三錢炙焦

天南星二錢炮

右為細末空心水壹盞薑三片棗二箇破之同煎七分去滓服治心氣動肝脈腐

桑寄生 壹分

茯苓

防風

獨活

甘草 炙

槐角

枳實 各一分炒

木香 壹錢

白蒺藜 炒去刺

人參 各半兩

白朮 七錢 涼 煎 添 以 性

右為細末。每服三錢。水一盞。磨沉香少許。煎七分。

治精血皆虛。鹿茸丸。

血茸 半兩 酥 微 炙 用

五味子

山藥 各一兩 以上 三件 為末

青鹽 三錢 令研

右煉蜜和作一塊。收籃合中。臨時丸。每服三十九。食前溫酒下。

治肝腎氣虛。外應目不榮。宜服此足精丸。

好熟乾地黄 須是蒸九遍 用酒製造者

當歸 去苗

白芍藥

人參

山藥 各半兩

茄茸 皮 七錢 去

五味子 六錢

川椒 去目 一錢 半

青木香

獨活

甘菊 各三錢

白蒺藜

杜仲 去皮 酥 炙

兔絲子 一酒 浸 宿

黃耆 各半兩

大芎

肉蓯蓉 各四 銖

右為細末。煉蜜丸如梧子大。空心濃煎糯米湯入鹽少許。下五十九。

又服洗肝散。

天麻半兩，酒浸一宿，濕紙裹煨。

白僵蚕去口。

天南星炮，各一分。

芎二錢

黃耆

薏苡仁

白芍藥各半兩

白蒺藜去刺，四分。

甘菊

甘草炙

人參各三分

木香一錢半

沉香煎時磨少許。

右為細末，水一盞，薄荷二葉，磨沉香少許，同煎藥之時，取七分，去滓服，日進二三服，每服二錢。

補心氣人參散。

人參七錢

伏神

山藥各半兩

白芍藥

黃耆

熟乾地黄各一分

防風一分半

甘草一分，炙。

官桂去皮，一分半。

天南星炮過，二分。

右為細末，每服二錢，水一盞，生薑棗少許，煎七分。

司業六脈滿而不實，寸口倍於人迎尺脈。

血濁而氣浮，宜清血抑肺氣，如此，即隔通而氣歸於下，不可服燥烈之藥。第一方。

人參七錢，好者。

陳橘皮去白，一分半。

白茯苓

麥門冬去心，三錢。

桔梗

紫苑

防風各一分

黃耆

前胡

白芍藥各一分

木香一分半

白蒺藜去刺。

桑白皮各半兩 甘草三錢炙 大腹皮半箇  
 右爲細末。每服三錢。非時或食後少時水一盞。磨沉香少許。生薑一片。同煎八分。初服三四服。覺膈快。便  
 不須服。却只常服九子。候三兩日間。覺似瘥。卽進一服。此散子不常服。  
 又方。

天麻麴裏

肉蓯蓉酒浸

熟乾地黄好者

兔絲子酒浸

山藥

栝子仁各半兩

葶藶

茯苓

白芍藥各半兩

牛膝去頭

人參七錢

枳實一分

木香一錢半

右爲細末。搗薏苡仁爲粉。煮作稀糊。丸如梧子大。陰乾。每日空心。濃煎糯米湯入鹽。下五十九。  
 治小兒腹中有氣不散。而臧府微澁。夜有盜汗。

史君子三錢

京三稜

葶藶

白茯苓

鱉甲

人參各一分

黃耆壹錢

獨活二分

肉豆蔻二箇

木香一錢半

甘草二錢

右爲細末。非時。水半盞。煎二錢。煉取三分。去滓服。覺氣散。則已之。不可多服。  
 治小兒瀉。本因傷水。

訶子

白朮

白芍藥各一分

甘草炙

茯苓

獨活

厚朴去皮各二分

黃連半分炒

肉豆蔻壹枚

右為齏末煎一錢許去滓服水七分煎至半盞

久便血

黃連一錢炒

白茯苓去刺半兩

槐花炒焦

獨活

訶子炮取肉

枳實炒焦

荆芥穗

臺荆子各一分

木香一錢半

白芍藥三分

甘草二錢炙

右為細末食後水一盞煎三錢匕取七分和滓服或煉蜜丸如梧子大清湯下三四十九無時日一服或

二服

治小兒急慢驚風

人參半兩

天麻炮

天南星炮

黃耆

芎各二錢

薏苡仁

獨活

伏神

蔓荊子各一分

鱉甲酥炙黑

木香各一分半

甘草壹分

半夏薑製一錢半

乾蠟四筒全者用糯米同炒米熟為度

麝香同朱砂研



朱砂令兩臨服旋入少許

右爲細末如飛塵入朱砂麝香少許每服二錢同煎三四沸與三匙頭如更發數卽添麻黃一味并煎服不入麻黃如大府冷卽添白朮末一二豆粒許同煎小兒藥宜服細末取其氣液之全唯是止瀉痢乃作九耳

治血滯精虛肛門痒痛成痔

白欬

黃耆炙各半兩

槐花微炒

茯苓

白芍藥

甘草炙

當歸去苗各一分

南木香錢半

枳實炒焦錢半

白蒺藜三錢

右爲籠末非時水一盞煎三四錢匕取八分去滓服每日空心先服鹿茸青鹽丸方在前却日進三四服以去痔根初服只一二服俟服青鹽丸及旬日自然可載此藥後續進兩三服二藥相兼而進久可以去其根本下血日多卽令人心忪無情緒意思不悅宜戒酒慎護病雖已止宜服此二藥服藥若痔根已安藏血未止卽更服後方

新活鮑魚壹箇重四五兩以上者去腸不去鱗

白礬三兩微研

槐花半兩

蒲黃壹分

右衰合同納於魚腹中納藥了以線繫之入一坩合中外以鹽泥固濟乾十斤炭蔕之火盡取出細研如

塵蒸餅丸如梧子大非時米湯下二三十九一日一兩服。

少陽相火之復與水爭戰耳痛方。

官桂去皮三錢

白芍藥

白茯苓

桔梗

防風

甘草炙

羌活

麻黃去節

麥門冬去心各一分

黃耆半兩

山茵陳二錢

右為齋末每服三錢水一盞生薑兩片煎至七分去滓服日三如不痛更不消服只進補腎藥小兒藏寒

泄瀉不止豆蔻丸

草豆蔻一枚剝開皮入乳香一塊在內復用和白糖

右為細末以粟米飲丸如麻子大每服五七丸米飲下無時

治婦人骨蒸方

桑白皮

黃耆

薏苡仁各半兩

茵芋

紫蘇葉

茯苓

甘草各一分

官桂去皮二分

大腹皮一錢半

陳橘皮三錢

右為細末每服四錢水壹盞薑三片煎八分服之三四日却服後方

微利不妨如脚未消即間用豆湯服一服

又方

牛膝去頭宿

當歸去苗

茯苓

熟乾地黄

薏苡仁

黃耆

巴戟去心各半兩

栝子仁

鰲甲酥炙

芎各一分

桑螵蛸三分

右細末煉蜜丸如梧子大空心鹽湯下五十九

小兒泄厚腹丸

地榆

天麻

芎

赤石脂各一分

訶子皮

削朮各三分

厚朴去皮一分

木香半分

右爲細末棗肉爲丸非時服三十九

治久瀉方

白朮半兩

白芍藥半兩

桔梗變分

白芷半兩

右爲細末以豬肝四兩片切如食法入少鹽和之不用油用藥先和一半於鐵內先燻過次用木炭火上

炙乾再傳末作兩三次食之止泄最妙

又方新製

人參壹兩

黃耆

薏苡仁

糯米末

阿膠炒

木香

茯苓

半夏如法製

甘草炙

鱉甲

酥炙各一分

白朮半兩

肉豆蔻大者兩箇

右爲細末。不羅。非時。以水一盞。生薑一片。棗子一箇。破之。同煎三錢。取七分服。去滓服。至十來服。或七八服。覺血淡。或微有些小腹痛。每服加白朮少許。及烏梅肉半箇煎。但血旋止。和胃藥。藥未可全去。只桔梗。枳實二味。以白蒺藜代之。

痢稍止。未全減。藏府忽下血。猶未止。却服此方。

黃耆輕炙

白蒺藜去刺各半兩

白歛

茯苓

槐花微炒

獨活各一分

訶子皮四錢

木香壹分

黃連燒焦二錢

右爲末。煉蜜丸。如梧子大。非時。清湯下二十九至三十九。米湯亦得。

又方

訶子炮令大熟

山藥

人參


白朮各半兩

熟乾地黄一兩半。地黃最能補而去肝風。但通腸於利藥中。使非訶子不能爲功。

木香壹分

桑寄生壹分

右爲末。煉蜜丸。如梧子大。空心。米湯下三十九。常服。以去痔疾。又能足血。



三十年四月五日  
談 畫 店

編主五雲王

編初成集叢書

方 之 載 史

中華民國二十八年十二月初版

撰 者 史 堪

發 行 人 王 雲 五  
長 沙 南 正 路

印 刷 所 商 務 印 書 館

發 行 所 商 務 印 書 館  
各 埠

(本書校對者王永榜)

G 一六一九上

肆

